



西江志卷第一百二十八

藝文 詩十二

五言律

唐

送豐城王少府

楊炯

愁結亂如麻長天照落霞
離亭隱喬樹溝水浸平沙
左尉才何屈東關望漸賒
行看轉牛斗持此報張華

題大庾嶺北驛

宋之問

陽月南飛雁傳聞至此回
我行殊未已何日復歸來
江靜潮初落林昏瘴不開
明朝望鄉處應見隴頭梅

度大庾嶺

度嶺方辭國停輶一望家
魂隨南翥鳥淚盡北枝花
山雨初



含霽江雲欲變霞但令歸有日不敢恨長沙

在洪州答綦母學士

張九齡

旬雨不愆期由來自若時爾無言郡政吾豈欲天欺常念涓
塵益惟歡草樹滋課成非所擬人望在東菑

湖口望廬山瀑布泉

萬丈洪泉落迢迢半紫氛奔飛下雜樹灑落出重雲日照虹
蜺似天清風雨聞靈山多秀色空水共氤氳

自彭蠡湖初入江

江岫殊空濶雲煙處處浮上來羣噪鳥中去獨行舟牢落誰
相顧逶迤日自愁更將心問影于役復何求

自豫章南還江上作

歸去南江水磷磷見底清轉逢空濶處聊洗滯留情浦樹遙

如待江鷗近若迎津途別有趣况乃濯吾纓

奉酬張洪州九齡江上見贈

孫翊

受命讞封疆逢君牧豫章於焉審虞芮復爾共舟航悵別秋
陰盡懷歸客思長江臯枉離贈持此慰他鄉

尋廬山崔徵君

丘爲

日高雞犬靜門掩向寒塘夜竹深茅宇秋亭冷石牀住山年
已遠服藥壽偏長虛棄浮生者相逢益自傷

題遠公經臺

祖詠

蘭若無人到真僧出復稀苔侵行道席雲濕坐禪衣澗鼠緣
香案山蟬噪竹扉世間長不見寧止暫忘歸

九日龍沙作寄劉大春虛

孟浩然

龍沙豫章北九日挂帆過風俗因時見湖山發興多客中誰

送酒擢裏自成歌歌竟乘流去滔滔任夕波

送袁太祝尉豫章

何幸遇休明觀光來上京相逢武陵客獨送豫章行隨牒牽黃綬離羣會墨卿江南佳麗地山水舊難名

夜泊廬江聞故人在東林寺以詩寄之

江路經廬阜松門入虎溪聞君尋寂樂清夜宿招提石鏡山精怯禪牀怖鴿棲一燈如悟道為照客心迷

晚泊潯陽望廬山

挂席幾千里名山都未逢泊舟潯陽郭始見香爐峰嘗讀遠公傳永懷塵外蹤東林精舍近日暮但聞鐘

酬秦徵君徐少府春日見寄

集作奉酬秦徵君系春日
撫州西亭野望兼寄徐少

府

韋應物

終日愧無政與君聊散襟城根山半腹亭影水中心朗詠竹
牕靜野情花逕深那能有餘興不作剡溪尋

寄洪州幕府盧二十一侍御

自南昌令拜
頃同官洛陽

忽報南昌令乘驄入郡城同時趨府客此日望塵迎文苑臺
中妙冰壺幕下清洛陽相去遠猶使故林榮

送裴郎中貶吉州

劉長卿

亂軍交白刃一騎出黃塵漢節同歸闕江帆共逐臣援愁岐
路晚梅作異方春知己鬱侯在應憐脫粟人

餘干旅舍

搖落暮天迴青楓霜葉稀孤城向水閉獨鳥背人飛渡口月
初上鄰家漁未歸鄉心正欲絕何處擣寒衣

餘干夜宴奉餞前蘓州韋使君新除婺州作

復拜東陽郡遙馳北闕心行春五馬急向夜一猿深山過康
郎近星看婺女臨幸容棲託分猶戀舊棠陰

晚次苦竹館却憶干越舊遊

匹馬風塵色千峰旦暮時遙看落日盡獨向遠山遲故驛花
臨道荒村竹映籬誰憐却回首步步戀南枝

送李二十四移家之江州

煙塵猶滿目岐路易霑衣逋客多南渡征鴻自北飛九江春
草綠千里暮潮歸別後難相訪全家隱釣磯

奉送盧員外之饒州

天書萬里至旌旆上江飛日向鄱陽近應看吳岫微暮帆何
處落潮水背人歸風土無勞問南枝黃葉稀

送舍弟之鄱陽居

鄱陽寄家處一別掩柴扉故里何人在滄波孤客稀湖山春
草遍雲木夕陽微南去逢迴雁應憐相背飛

送梁郎中赴吉州

遙想廬陵郡還聽叔度歌舊官移上象新令布中和看竹經
霜少聞猿帶雨多但愁徵拜日無奈借留何

送李侍御貶鄱陽

迴車仍昨日謫去已秋風干越知何處雲山只向東暮天江
色裏田鶴稻花中却見鄱陽吏猶應舊馬驄

送青苗鄭判官歸江西

三苗餘古地五稼滿秋田來問周公稅歸輸漢俸錢江城寒
背日湓水暮連天南楚凋殘後疲民賴爾憐

歸弋陽山居留別盧邵二侍御

渺渺歸何處沿流附客船久依鄱水住頻稅越人田偶俗機
偏少安閑性所便祇應君少慣又欲寄林泉

送盧員外往饒州

李嘉祐

爲郎復典郡錦帳映朱輪露冕隨龍節停橈得水人早霜蘆
葉變寒雨石榴新莫怪諳風土三年作逐臣

送張觀歸袁州

羨爾湘東去煙花尚可親綠芳深映馬遠岫遞迎人饑狄啼
初日殘鶯惜暮春遙憐謝客興佳句又應新

送蘇修往上饒

愛爾無羈束雲山恣意過一身隨遠岫孤櫂任輕波世事關
心少漁家寄宿多蘆花泊舟處江月奈人何

送王牧往吉州謁王使君叔

細草綠汀洲王孫耐薄遊年華初冠帶文體舊弓裘野渡花
爭發春塘水亂流使君憐小阮應念倚門愁

送袁員外宣慰勸農畢赴洪州使院

聖主臨前殿殷憂遣使臣氣迎天詔喜恩發土膏春草色催
歸櫂鶯聲爲送人龍沙多道里流水自相親

登湓城浦望廬山初晴值省勅催赴江陰

西望香爐雪千峰晚色新白頭悲作吏黃紙苦催人多負登
山屐深藏漉酒巾傷心公府內手板日相親

送彈琴李長史往洪州

錢起

抱琴爲傲吏孤棹復南行幾度秋江水皆添白雪聲佳期來
客夢幽思緩王程佐牧無勞問心和政自平

送趙評事赴洪州使幕

韓翃

孤舟行遠近一路過湘東官屬張廷尉身隨杜幼公山河映
湘竹水驛帶青楓萬里思君處秋江夜雨中

送洪州李別駕之任

郎士元

南去秋江遠孤舟興自多能將流水引更入洞庭波夏口帆
初上潯陽雁正過知音在霄漢佐郡豈蹉跎

石頭館酬王將軍

誰爲繡衣客肯駐木蘭舟連雁沙邊至孤城江上秋歸帆背
南浦楚塞入西樓何處看離思滄波日夜流

送李使君赴撫州

皇甫冉

遠送臨川守還同康樂侯歲時徒改易今古接風流五馬嘶
長道雙旌向本州鄉心寄西北應上郡城樓

玉山嶺上作

皇甫曾

悠悠驅匹馬征路上連岡晚翠深雲竇寒臺淨石梁荻花偏
似雪楓葉不禁霜愁見前程遠空郊下夕陽

鄱陽大雲寺一公房

顧況

盡日陪游處斜暉竹院清定中觀有漏言下證無生色界聊
傳法空門不用情欲知相去近鐘鼓兩聞聲

春日洪州即事

耿漳

鍾陵春日好春水滿南塘竹宇分朱閣桐花間綠楊蹉跎看
鬢色留滯惜年芳欲問羈愁發秦關道路長

早秋江行

竇鞏

迴望湓城遠西風吹荻花暮潮江勢濶秋雨雁行斜多醉渾
無夢頻愁欲到家漸驚雲樹轉數點是晨鷗

奉陪李大夫九日宴龍沙

戴叔倫

西漢志 卷一百二十一
邦君採菊地近接旅人居一命招衰疾清光照里閭去官慙
比謝下榻貴同徐莫怪沙邊倒偏霑杯酌餘

奉陪李大夫九日龍沙宴會

權德輿

龍沙重九會千騎駐旌旗水木秋光淨絲桐雅奏遲煙蕪斂
暝色霜菊發寒枝今日從公醉全勝落帽時

送孔江州

九派潯陽郡分明似畫圖秋光連瀑布晴翠辨香鑪才子厭
蘭省邦君榮竹符江城多暇日能寄八行無

江上送客遊廬山

張繼

楚客自相送霑裳春水邊晚來風信好併發上江船花映新
林岸雲開瀑布泉愜心應在此佳句向誰傳

送撫州周使君

即侍中之婿

盧綸

周郎三十餘天子賜魚書龍節隨雲水金鏡動里閭松聲三
楚遠鄉思百花初若轉弘農守蕭咸事不如

送從叔赴洪州

李端

榮家兼佐幕叔父似還鄉王粲名雖重郝超髯未長鳴橈過
夏口斂笏見潯陽後夜相思處中庭月一方

奉送杜中丞赴洪州

暢當

詔出鳳凰宮新恩連帥雄江湖經戰陣草木待仁風豪右貪
威愛紆繁德簡通多慙君子顧攀餞路塵中

鍾陵雪夜訪友人

楊凌

窮臘催年急陽春怯和歌殘燈閃壁盡夜雪透牕多歸路山
川險遊人夢寐過龍洲不可泊歲晚足驚波

送頭陀上人赴廬山寺

鄭常

僧家無住著早晚出東林得道非真相頭陀是苦心持齋山
果熟倚錫野雲深溪寺誰相待香花與梵音

次石頭驛寄江西王中丞

韓愈

憑高迴馬首一望豫章城人由戀德泣馬亦別羣鳴寒日夕
初照風江遠漸平默然都不語應識此時情

送殷華之洪州

陳羽

離堂悲楚調君奏豫章行愁處雪花白夢中江水清扣船歌
月色避浪宿猿聲還作經年別相思湖草生

潯陽宴別

白居易

鞍馬軍城外笙歌祖帳間乘潮發湓口帶雪別廬山暮景牽
行色春寒散醉顏共嗟炎瘴地盡室得生還

錢侍郎使君以題廬山草堂詩見寄因酬之

殷勤江郡守悵望掖垣郎慙見新瓊什思歸舊草堂事隨心
未得名與道相妨若不休官去人間到老忙

晚題東林寺雙池

向晚雙池好初晴百物新裊枝翻翠羽澣水躍紅鱗萍汎同
遊子蓮開當麗人臨流一惆悵還憶曲江春

山中酬江州崔使君見寄

眷盼恨無限優容禮有餘三年爲部吏一半許山居酒熟心
相待詩來手自書庾樓春好醉明月且回車

送陳房謁撫州周使君

楊衡

匡山一畝宮尚有桂蘭叢鑿壁年雖異穿楊志幸同貌羸緣
塞苦道蹇爲囊空去謁臨川守因憐鶴在籠

送沈亞之尉南康

殷堯藩

行邁南康路客心離怨多暮煙葵葉屋秋月竹枝歌孤鶴唳
殘夢驚猿嘯薜蘿對江翹首望愁淚疊如波

和厲玄侍御題戶部李相公廬山艸堂 姚合

茅屋臨江起登庸復應期遙知歸去日自致太平時幽藥禪
僧護高牕宿鳥窺行人盡歌詠唯子獨能詩

前題

劉得仁

白雲居創畢詔入鳳池年林長雙峰樹潭分並寺泉石溪盤
鶴外岳室閉猿前柱史題詩後松前更肅然

贈廬山錢卿

章孝標

象魏抽簪早匡廬築室牢宦情歸去薄天爵隱來高篋有新
徵詔囊餘舊緼袍何如捨麋鹿明主仰風騷

豐城劒池即事

神物不復見小池空在茲因嫌衝斗夜未是偃戈時岸古魚
藏穴蒲凋翠立陂吾皇別有劒何必鑄金爲

贈匡山道者

嘗聞一粒功足以反衰容方寸如不達此生安可逢寄書時
態盡憶語道情濃爭得攜巾履同歸鳥外峰

送信州盧員外兼寄薛員外

顧非熊

五馬弋陽行分憂出禁城粉闥移席近茜旆越疆行德茂榮
方漸仁深瑞必呈疲眈復何幸前政已殘聲

送沈下賢謫尉南康

張祐

秋風江上草先是客心摧萬里故人去一行新雁來山高雲
緒斷浦迴月波頽莫怪南康遠相思不可裁

旅次上饒溪

西江志 卷一百二十八
碧溪行幾折凝櫂宿汀沙角斷孤城掩樓深片月斜夜橋昏
水氣秋竹靜霜華更想曾題壁凋零可歎嗟

題上饒亭

溪亭拂一琴促軫坐披衿夜月水南寺秋風城外砧早霜紅
葉靜新雨碧潭深唯是壺中物憂來且自斟

江西道中 二首

西江江上月遠遠照征衣夜色草中網秋聲林外機渚田牛
路熟石岸客船稀無復是鄉井鷓鴣聊自飛
秋灘一望平遠遠見山城落日啼烏柏空林露寄生燒畬殘
火色盪漿夜溪聲况是曾遊處桑田小變更

上江州李使君

朱慶餘

起家聲望重自古更誰過得在朝廷少還因諫諍多經年愁

瘴癘幾處遇恩波入境無餘事唯聞父老歌

罷鍾陵幕吏十三年來泊湓浦感舊爲詩

杜牧

青梅雨中熟檣倚酒旗邊故國殘春夢孤舟一褐眠搖搖遠
堤柳暗暗十程煙南走鍾陵道無因似昔年

春泊弋陽

許渾

江行春欲半孤枕弋陽堤雲暗猶飄雪潮寒未應溪飲猿聞
棹散飛鳥背船低此路成幽絕家山鞏洛西

江西鄭常侍赴鎮之日有寄因酬和

來暮亦何愁金貂在鷁舟旆隨寒浪動帆帶夕陽收布令滕
王閣裁詩郢客樓即應歸鳳沼中外贊天休

送友人歸宜春

紀唐夫

落花兼柳絮無處不紛紛遠道空歸去流鶯獨自聞野橋喧
碓水山郭入樓雲故里南陔曲秋期欲送君

永州送姪歸宜春

鄭史

宋玉正秋悲那堪更別離從來襟上淚盡作鬢邊絲永水清
如此表江色可知到家黃菊坼亦莫怪歸遲

蠡澤旅懷

林滋

誰言行旅日况復桃花時水即滄溟遠星從天漢垂川光獨
鳥暮林色落英遲豈是王程急偏多遊子悲

彭蠡湖春望

項斯

湖亭東極望遠櫂不須迴遍草新湖落連天衆雁來蘆洲殘
照盡雲障積煙開更想鷓鴣夷子扁舟安在哉

桑落洲

李羣玉

九江寒露夕微浪北風生浦嶼漁人火蒹葭鳧雁聲顏雲晦
廬嶽微鼓辨湓城遠憶天邊弟曾從此路行

送南康姚明府

賈島

銅章美少年小邑在南天版籍多遷客封疆接洞田靜江鳴
野鼓發纜帶村煙却笑陶元亮何須憶醉眠

夏日登信州北樓

李郢

高樓上長望百里見靈山雨歇河珠定雲開谷鳥還田苗映
林合牛犢傍村閑始得消憂處蟬聲催入關

送狄明府赴九江

李頻

字人修祖德清白定聞傳匹馬離秦去孤帆入楚懸關中寒
食雨湖上暑衣天四考兼重請一作攝相知住幾年

題東林寺虎跑泉

周絲

勝致通幽感靈泉有虎跑爪擡山脈斷掌托石心坳竹藹疑
相近松陰蓋亦交轉令棲遁者真境愈難拋

滕王閣

張喬

昔人登覽處遺閣大江隅疊浪有時有閑雲無日無早涼先
燕去返照後帆孤未得營歸計菱歌滿舊湖

聞仰山禪師往曹溪因贈

曹溪松下路猿鳥重相親四海求玄理千峰遶定身異花天
上墮靈草雪中春自惜經行處焚香禮舊真

送友人歸袁州

袁江猿鳥清曾向此中行才子登科去諸侯埽榻迎山藏明
月浦樹遶白雲城遠想寧親後秋風夢不驚

尋陽村舍

荒林寄遠居坐臥見樵漁夜火隨船遠寒更出郡疎雪迷登
嶽路風阻轉江書寂寞高牕下思鄉歲欲除

送錢契明尊師歸廬山

李咸用

瘦倚青竹杖爐峰指欲歸霜粘行日履風暖到時衣憑檻雲
還在攀松鶴不飛何曾有別恨楊柳自依依

望仰山憶元泰上人

晴嵐凝片碧知在此中禪見面定何日無書已一年高秋關
靜夢良夜入新篇仰德心如是清風不我傳

酬鄭進士九江新居見寄

躡屐叩柴關因成盡日閑獨聽黃鳥語深似白雲間萍沼寬
於井莎城綠當山前期招我作此景得吟還

送趙舒處士歸廬山

西江志 卷一百二十八
歸岫香爐碧行吟步益遲諸侯師不得樵客偶相隨思舊江
雲斷談玄嶽月移祇應張野輩異代作心知

送韓揆之江西

李冶

相看指楊柳別恨轉依依萬里江西水孤舟何處歸湓城潮
不到夏口信應稀唯有衡陽雁年年來去飛

答匡山僧贈柳栗杖

曹松

栗杖出匡頂百中無一枝雖因野僧得猶畏嶽神知畫月冷
光在指雲秋片移宜留引蹇步他日訪峨眉

滕王閣春日晚眺

凌春帝子閣偶眺日移西浪勢平花塢帆陰上柳堤凝嵐藏
宿翼疊鼓碎歸蹄只此長吟詠因高思不迷

鍾陵野步

岡扉聊自啓信步出波邊野火風吹濶春冰鶴啄穿渚檣齊
驛樹山鳥入公田未創孤雲勢空思白閣年

再到洪州望西山

洪州向西顧不忍暫忘君記得瀑泉落省同幽鳥聞一迴經
雨電長有剽風雲未定却棲息前頭江海分

廬山訪賈匡

西城疾病日此地少尋君古跡春猶在遙泉夜盡聞片時三
處雨九疊幾重雲到者皆忘寐精神與俗分

贈餘干袁明府

一雨西城色陶家心自清山銜中郭影雲卷下湖程公署聞
流水人煙入廢城難忘楚盡處新有越吟生

寄虔州薛大夫

羅隱

祝融峰下別三載，夢魂勞地轉南康。重官兼亞相，高海鵬終負日神。馬背眠槽會得窺，成績幽牕染兔毫。

九江早秋

雨過晚涼生，樓中枕簟清。海風吹亂木，巖磬落孤城。百歲幾多日，四蹄無限程。西鄰莫高唱，俱是別離情。

宿彭蠡館

孤館少行旅，解鞍增別愁。遠山矜薄暮，高柳怯清秋。病裏見時態，醉中思舊遊。所懷今已矣，何必恨東流。

南康道中

弱冠負文翰，此中聽鹿鳴。使君延上榻，時輩仰前程。丹桂竟多故，白雲空有情。惟餘路傍淚，沾灑向塵纓。

過湖口

唐彥謙

江湖分雨露，此地是通津。雲淨山浮翠，風高浪潑銀。人行俱是客，舟住即爲隣。俯仰煙波內，蜉蝣寄此身。

登廬山

五老峰巔望天涯，在目前。湘潭浮夜雨，巴蜀暝寒煙。泰華根同時，嵩衡脈共聯。憑虛有仙骨，日月看推遷。

送鄭谷歸宜春

曹鄴

無成歸故國，上馬亦高歌。况是飛鳴後，殊爲喜慶多。暑消高嶽雨，涼吹洞庭波。莫便閒吟去，須期接盛科。

送人之九江謁郡侯苗員外紳

鄭谷

澤國尋知己，南浮不偶遊。湓城分楚塞，廬嶽對江州。曉飯臨孤嶼，春帆入亂流。雙旌相望處，月白庾公樓。

南康郡牧陸肱郎中辟許棠先輩爲郡從事因有寄贈

末路思前侶猶爲戀故巢江山多勝境賓主是貧交飲舫閑
依葦琴堂雅結茅夜清僧伴宿水月在松梢

潯陽姚宰廳作

縣幽公事稀庭草是山薇慙得招基侶何妨著道衣野泉當
案落汀鷺入衙飛寺去東林近多應隔宿歸

送饒州王司法之任兼寄朱處士

方干

莫辭還作吏且喜速回車留醉悲殘歲含情寄遠書共看衰
老近轉覺宦名虛遙想清溪畔幽人得自如

經李翰林廬山屏風疊所居

許彬

放逐非多罪江湖偶不迴深居應有謂濟代豈無才疊巘晴
舒障寒川暗動雷誰能續高興醉死一千杯

酬簡寂熊尊師以趙員外廬山草堂見借

豈易投居止廬山得此峰主人曾已許仙客偶相逢顧已恩
難答窮經業未慵還能勵僮僕稍更補杉松

東林愿禪師院

崔塗

與世漸無緣身心獨了然講銷林下日臘長定中年磬絕朝
齋後香焚古寺前非因送小朗不到虎谿邊

過陶徵君隱居

陶令昔居此弄琴遺世榮田園三畝綠軒冕一銖輕衰柳自
無主白雲猶可耕不隨陵谷變應只是高名

宿廬山絕頂山舍

一磴出林端千峰次第看長閑如未遂暫到亦應難谷樹雲
埋老僧牕瀑影寒自嫌心不達向此夢長安

懷廬山書齋

杜荀鶴

長憶在廬嶽免低塵土顏煑茶牕底水採藥屋頭山是境皆
遊遍誰人不羨閑無何一名繫引出白雲間

贈廬嶽隱者

自見來如此未嘗離洞門結茅遮雨雪採藥給晨昏古樹藤
纏殺春泉鹿過渾悠悠無一事不似屬乾坤

送友人牧江州

本國兵戈後難官在此時遠分天子命深要使君知但遂生
靈願當應雨露隨江山勝他郡閑賦庾樓詩

秋宿棲賢寺懷友人

一宿三秋寺閑忙與曉分細泉山半落孤客夜深聞鶴去巢
盛月龍潛穴擁雲苦吟方見景多恨不同君

乙丑歲九月在蕭灘鎮駐泊兩月忽得商馬楊迨員外

書賀余復除戎曹依舊承旨還緘後因書四十字

韓 偓

旅寓在江郊秋風正寂寥紫泥虛寵獎白髮已漁樵事往淒
涼在時危志氣銷若爲將朽質猶擬杖於朝

建昌渡暝吟

韋 莊

月照臨官渡鄉情獨浩然鳥棲彭蠡樹月上建昌船市散漁
翁醉樓深賈客眠隔江何處笛吹斷綠楊煙

信州溪岸夜吟作

夜倚臨溪店懷鄉獨苦吟月當山頂出星倚水湄沈霧氣漁
燈冷鐘聲谷寺深一城人悄悄琪樹宿仙禽

書陶潛醉石

王貞白

片石陶真性非爲麴蘖昏爭如累月醉不笑獨醒人積疊莓

苔色交加薜荔根至今重九日猶待白衣魂

廬山

嶽立鎮南楚雄名天下聞五峰高闕日九疊翠連雲夏谷雪猶在陰巖晝不分唯應嵩與華清峻得為羣

遊東林寺

黃滔

平生愛山水下馬虎溪時已到終嫌晚重遊預作期寺寒三伏雨松偃數朝枝翻譯如曾見白蓮開滿池

憶廬山舊遊

前年入廬嶽數宿在靈溪殘燭松堂掩孤峰月狷啼平生為客老勝境失雲棲縱有重遊日烟霞會恐迷

寄李校書遊簡寂觀

古觀雲溪上孤懷永夜中梧桐四更雨山水一庭風詩得如

何句仙遊最勝宮卻愁逢羽客相與入煙空

廬山瀑布

裴說

靜景憑高望光分翠嶂開嶮飛千尺雪寒撲一聲雷過去雲衝斷旁來燒隔迴何當住峰下終歲絕塵埃

登圭峰舊隱寄薦福棲白上人

李洞

返照塔輪邊殘霖滴幾懸夜寒吟病甚秋健講聲圓粟穗乾燈燄苔根濁水泉西峰埋蘚石秋月即師禪

送友人江行之廬山肄業

唐球

蜀國初開棹廬峰擬拾螢獸皮裁褥暖蓮葉製衣馨楚水秋來碧巫山雨後青莫教銜鳳詔三度到中庭

桑落洲

胡玠

莫問桑田事但看桑落洲數家新住處昔日大江流古岸崩

欲盡平沙長未休想應百年後人世更悠悠

楊岐山

劉廓

千峰圍古寺深處敞樓臺景異尋常處人須特達來松杉寒
更茂嵐靄晝還開欲續豐碑語含毫恨不才

南唐

贈仰山慧度禪師

宋齊丘

初聞如自解及見勝初聞兩鬢堆殘雪一身披斷雲道應齊
古佛高不揖吾君稽首清涼月蕭然萬象分

送王郎中之官吉水

李建勳

南望廬陵郡山連五嶺長吾君憐遠俗從事輟名郎移戶多
無土春蠶不滿筐惟應勞贊畫溪峒况彊梁

寄廬山白上人

左偃

潦倒門前客閑眠歲又殘連天數峰雪終日與誰看萬丈高
松古千尋落水寒仍聞有新作懶寄入長安

廬山瀑布

孫魴

有山來便有萬丈落雲端霧噴千巖濕雷傾九夏寒圖中僧
寫去湖上客迴看却羨為猿鶴飛鳴近碧湍

魏夫人壇

李中

仙壇遺跡在苔合落花名絳節何年返白雲終日生旋新芳
草色依舊偃松聲欲問希夷事音塵隔上清

寄廬嶽鑒上人

嶽寺棲併錫常人親亦難病披青衲重晚剃白顛寒烘壁茶
煙暗填溝木葉乾昔年皆禮謁頻到碧雲端

送孫孔二秀才遊廬山

廬山多勝景偏稱二君遊松徑蒼苔合花陰碧澗流傾壺同
坐石搜句共登樓莫學天台客逢山即駐留

舟次彭澤

飄泛經彭澤扁舟思莫窮無人秋浪晚一岸蓼花風鄉里夢
漸遠交親書未通今宵見圓月難坐冷光中

吉水作尉酬高援秀才見贈

佐邑慙無術敢言貧與清風騷誰是主煙月自關情卷箔當
山色開牕就竹聲憐君惠嘉句資我欲垂名

過武寧縣

王周

行過武寧縣初晴物景和岸回驚水急山淺見天多細草濃
藍潑輕煙足練拖晚來何處宿一笛起漁歌

寄袁州陳智周

沈廷瑞

名山相別後別後會難期金鼎銷紅日丹田老紫芝訪君雖
有路懷我豈無詩休羨繁華事百年能幾時

送王員外宰德安

徐鉉

家世朱門貴官資粉署優今爲百里長應好五峰游柳影連
彭澤湖光接庾樓承明須再入官滿莫淹留

送姚宰任吉州安福縣

釋無可

落絮滿衣裳攜琴問酒鄉挂帆南入楚到縣半浮湘吏散翠
禽下庭閑斑竹長人安宜遠泛沙上蕙蘭香

遊廬山寺

千峰路盤盡林寺昔何名步步入山影房房聞水聲多年人
跡斷殘照石陰清自可求居止安閑過此生

夜宿西林寺寄賈島

西江志 卷一百二十八
暗蟲喧暮色默思坐西林聽雨寒更盡開門落葉深昔因京
邑病併起洞庭心亦是吾兄弟遲回共至今

題鄭谷江畔桐齋

釋皎然

客齋開別住坐占綠江瀆流水非外物閑雲長屬君浮榮未
可累曠達若爲羣風起高梧下清絃日日聞

送鄔儉之洪州

年少足詩情西江楚月清書囊山翠溼琴匣雪花輕久別經
離亂新正憶弟兄贈君題樂府爲是豫章行

登鄱陽寺閣

釋貫休

寺樓閑縱望不覺到斜暉故國在何處多年未得歸寒江平
楚外細雨一鴻飛終數於陵子吳山有綠薇

寄廬山大願和尚

石上桂成叢師庵在桂中皆云習鑿齒未可叩真風雪洗香
爐碧霞藏瀑布紅何時甘露偈一寄剡山東

懷香爐峰道人

常思峰頂叟石窟土爲牀日日先見日煙霞多異香冥心同
槁木埽雪帶微陽終必相尋去斯人不可忘

春過鄱陽湖

百慮片帆下風波極目看吳山兼鳥沒楚色入衣寒過此愁
人處始知行路難夕陽沙島上回首一長歎

春寄西山陳陶

搔首復搔首孤懷草萋萋春光已滿目君在山西灑水成
文去庭柯擎翠低所思不可見黃鳥花中啼

思匡山賈生

山兄詩癖甚寒夜更何爲覓句唯頑坐嚴霜打不知石膏黏
木屐崖蜜落冰池近見禪僧說生涯勝往時

鄱陽道中作

鄱陽古岸邊無一樹無蟬路轉他山大砧驅鄉思偏湖平帆
盡落天淡月初圓何事堯雲下干戈滿許田

寄匡山紀公

錦繡谷中人相思入夢頻寄言無別事琢句似終身書卷須
求旨鬢根易得銀斯言如不惑千里亦相親

登大林寺觀白太傅題版

釋齊已

九疊蒼崖裏禪家鑿翠開清時誰夢到白傅獨尋來怪石和
僧定閑雲共鶴迴任茲休去者心是不然灰

題東林白蓮

大士生兜率空池滿白蓮秋風明月下齋日影堂前色後羣
芳拆香殊百和燃誰知不染性一片好心田

再遊匡山

紫霄兼五老相對倚空寒久別成衰病重來更上難徑危雲
母滑崖早瀑流乾目斷嵐煙際神仙有石壇

過西山施肩吾舊居

大志終難起西峰臥翠堆牀前倒秋壑枕上過春雷鶴見丹
成去僧聞栗熟來荒齋松竹老鸞鶴自徘徊

過陳陶處士舊居

一室貯琴尊詩皆大雅言夜過秋竹寺醉打老僧門遠燒來
籬下寒蔬簇石根閑庭除鶴跡半是杖頭痕

尋陽道中作

東林

西江志 卷一百二十一
秋聲來嶽樹草色徧汀洲多事時爲客無人處上樓雲疎片
雨歇野闊九江流欲向南朝去詩僧有惠休

東林雨後望香爐峰

翠溼僧牕裏寒堆鳥道邊靜思尋去路急遶落來泉暮雨開
青壁朝陽照紫煙二林多長老誰憶上頭禪

送唐廩正字歸萍川

霜鬢芸閣吏久掩白雲扉來謁元戎後還騎病馬歸煙村蔬
飲淡江驛雪泥肥知到中林日春風長澗薇

寄懷江西栖公

龍沙爲別日廬阜得書年不見來香社相思遶白蓮江僧歸
海寺楚路接吳煙老病何堪說扶羸寄此篇

憶匡廬

憶在匡廬日秋風八月時松聲虎溪寺塔影雁門師步碧巖
蕤徑吟香菡萏池何當舊泉石歸去洗心脾

貽廬嶽陳沆秀才

爲儒老雙鬢勤苦竟何如四海方磨劍空山自讀書石圍泉
眼碧秋落洞門虛莫慮搜賢僻徵君舊此居

懷東湖寺

鐵柱東湖岸寺高人亦閑往年曾每日來此看西山竹徑青
苔合茶軒白鳥還而今在天末欲去已衰顏

寄彭澤畫公

聞君彭澤住結構近陶公種菊心相似嘗茶味不同湖光秋
枕上嶽翠夏牕中八月東林去吟香菡萏風

寄楊岐西峰僧

西峰殘照東瀑布灑冥鴻閑憶高牕外秋情萬里空藤陰藏
石磴衣毳落杉風日有誰來覓層層鳥道中

庾樓

釋虛中

郡樓名甚遠幾換見樓人庾亮魂應在清風到白蘋晴軒分
楚漢夜酒揖星辰何必匡山上獨言無世塵

東林寺

釋修睦

欲去不忍去徘徊吟繞廊水光秋澹蕩僧好語尋常碑古苔
文疊山晴鐘韻長翻思南嶽上欠此白蓮香

五言小律

送內尋廬山女道士李騰空二首

李白

君尋騰空子應到碧山家水春雲母碓風埽石楠花若愛幽
居好相邀弄紫霞

多君相門女學道愛神仙素手掬青靄羅衣曳紫煙一往屏
風疊乘鸞著玉鞭

黃石巖下作

白居易

久別鸕鷀侶深隨鳥獸羣教他遠親故何處覓知聞昔日青
雲意今移向白雲

五言排律

泥谿

王勃

弭櫂凌奔壑低鞭躡峻岐江濤出岸險峰磴入雲危溜急船
文亂巖斜騎影移水煙籠翠渚山照落丹崖風生蘋浦葉露
泫竹潭枝泛水雖云美勞歌誰復知

九江口南濟北接蘄春南潯陽岸

蘇味道

江路一悠哉滔滔九派來遠潭昏似霧前浦沸成雷鱗介多

西江志 卷一百二十八
潛育漁商幾沂洄風搖蜀梯下日照楚萍開近漱湓城曲斜
吹蠡澤隈錫龜猶入貢浮獸罷為災津吏揮撓疾郵童整傳
催歸心詎可問為視落潮迴

登城樓望西山作

張九齡

城樓枕南浦日夕顧西山宛宛鸞鶴處高高煙霧間仙井今
猶在洪崖久不還金編莫我授羽駕亦難攀簷際千峰出雲
中一鳥閒縱觀窮水國游思徧人寰勿復塵埃事歸來且閉
關

西江夜行

遙夜人何在澄潭月裏行悠悠天宇曠切切故鄉情外物寂
無擾中流澹自清念歸林葉換愁坐露華生猶有汀洲鶴宵
分乍一鳴

送韓使君除洪州都督

韓公父嘗為襄州史

孟浩然

述職撫荆衡分符襲寵榮往來看擁傳前後賴專城勿翦棠
猶在波澄水更清重推江漢理旋改豫章行名父多遺愛羊
公有令名衣冠列祖道耆舊擁前旌峴首晨風送江陵夜火
迎無才慙孺子千里媿同聲

和張判官登萬山亭因贈洪府都督韓公

韓公美襄土日賞城西岑結構意不淺巖潭趣轉深皇華一
動詠荆國盛謳吟舊徑蘭勿翦新堤柳欲陰砌傍餘怪石沙
上有閑禽自牧豫章郡空瞻楓樹林因聲寄流水善聽在知
音耆舊渺不接崔徐無處尋物情多貴遠賢俊豈遙今遲爾
長江暮澄清一洗心

下瀨石

西江志 卷一百二十八
瀨石三百里沿河千嶂間灘聲常活活洑勢亦潺潺跳沫魚
龍沸垂藤猿狖攀榜人苦奔峭而我忘險艱放溜情彌愜登
艫目自閑暝帆何處宿遙指落星灣

奉送王信州峯北歸

杜甫

朝廷防盜賊供給愍誅求下詔選郎署傳聲能典州蒼生今
日困天子嚮時憂井屋有煙起瘡痍無血流壤歌唯海甸畫
角自山樓白髮寐常早荒榛農復秋解龜踰臥轍遣騎覓扁
舟徐榻不知倦潁川何以酬塵生彤管筆寒臆黑貂裘高義
終焉在斯文去矣休別離同雨散行止各雲浮林熱鳥開口
江渾魚掉頭尉佗雖北拜太史尚南留軍旅應都息寰區要
盡收九重思諫諍八極念懷柔徙倚瞻王室從容仰廟謀故
人持雅論絕塞豁窮愁復見陶唐理甘爲汗漫遊

送鄭十二還廬山別業

劉長卿

潯陽數畝宅歸臥掩柴關谷口何人待門前秋草閑忘機賣
藥罷無語杖藜還舊筍成寒竹空齋向暮山水流經舍下雲
去到人間桂樹花應發因行寄一攀

至饒州尋陶十七不在寄贈

謫宦投東道逢君已北轅孤蓬向何處五柳不開門去國空
回首懷賢欲訴冤梅枝橫嶺嶠竹路過湘源月下高秋雁天
南獨夜猿離心與流水萬里共朝昏

題干越亭

天南愁望絕亭上柳條新落日獨歸鳥孤舟何處人生涯投
嶺微世業陷邊塵江入千峰暮花連百越春秦臺憐白首楚
水怨青蘋草色無征路鶯聲傍逐臣獨醒翻取笑直道不容

身得罪風霜苦全生天地仁青山數行淚滄海一窟鱗流落
誰相識空將鷗鳥親

送從弟豫貶袁州

劉禹錫

何事成遷客思歸不見鄉游吳經萬里弔屈向三湘水與荆
巫接山通鄢郢長名嗟黃綬繫身是白眉郎獨結南枝恨應
思北雁行憂來沽楚酒元髮莫凝霜

天柱隱所重答韋江州

暢當

寂寞一悵望秋風山景清此中惟草色翻意見人行荒徑饒
松子深蘿絕鳥聲陽崖全帶日寬嶂偶通耕拙味難容世貧
寒別有情煩君瓊玖贈幽懶百無成

寄袁州李嘉祐員外

錢起

誰謂江山阻心親夢想偏容輝常在目離別任經年郡國通

流水雲霞共遠天行春鶯幾轉遲客月頻圓雁有歸鄉羽人
無訪戴船願徵黃霸入相見玉堦前

送吉州閻使君入道

戎昱

聞道桃源去塵心忽見悲余當從宦日君是棄官時金汞封
仙骨靈津嚙玉池受傳三籙備起坐五雲隨洞裏花常發人
間鬢易衰他年會相訪莫作爛柯碁

洪州送郊紹

張繼

齊宋傷心地頻年此用兵女停襄邑杼農廢汶陽耕國使乘
輅去諸侯擁節迎深仁荷君子薄賦恤黎甿火燎原猶熱波
搖海未平應將否泰理一問魯諸生

送李萬州赴饒州覲省

皇甫冉

前程觀拜慶舊館惜招攜荀氏風流遠胡家清白齊川迴吳

西江志 卷一百二十八
岫失塞闊楚雲低舉目親魚鳥驚心怯鼓鼙人稀漁浦外灘
淺定山西無限青青草王孫去不迷

懷德抒情寄上信州座主

楊巨源

五馬江天郡諸生淚共垂讌餘明主德恩在侍臣知悵望緘
雙鯉龍鍾假一枝玉峰遙寄夢雲海暗傷離幢蓋全家去琴
書首路隨滄洲值康樂明月向元規鸞鳳終凌漢蛟龍會出
池蕙香因曙發松色肯寒移舉世瞻風藻當朝揖羽儀加滄
門下意溪水綠逶迤

送杜郎中使君赴虔州

迢遰南康路清輝得使君虎符秋領俗鸞署早辭羣地遠仍
連戍城嚴本帶軍傍江低檻月當嶺滿牕雲境勝閭閻闊天
清水陸分和詩將惠政頌述九衢聞

晚登虔州即事寄李侍御

耿漳

章溪與貢水何事會波瀾萬里歸人少孤舟行路難春光浮
曲浪暮色隔連灘花發從南早江流向北寬故交參盛府新
角聳危冠楚劍期終割隋珠惜未彈酒醒愁轉極別遠淚初
乾願保喬松質青青過大寒

奉和第五相公登鄱陽郡城西樓

茂德爲邦久豐貂舊相尊發生傳雨露均養助乾坤曉肆登
樓目春銷戀闕魂女牆分吏事遠道啓津門湓浦潮聲盡鍾
陵暮色繁夕陽移夢土芳草接湘源封內羣甿復兵間百賦
存童牛耕廢畝壕木遶新村野步漁聲溢荒祠鼓舞喧高齋
成五字遠岫發孤猿一顧承英達多榮及子孫家貧仍受賜
身老未酬恩屬和瑤華曲堪將繫組綸

題遺愛寺前溪松

白居易

偃亞長松樹，侵臨小石溪。靜將流水對，高共遠峰齊。翠蓋煙籠密，花幢雪壓低。與僧清影坐，借鶴穩枝棲。筆寫形難似，琴偷韻易迷。暑天風撼撼，晴夜露淒淒。獨憩依爲舍，閒行遶作蹊。棟梁君莫採，留著伴幽棲。

自江州司馬授忠州刺史仰荷聖澤聊書鄙誠

炎瘴拋身遠，泥塗索脚難。網初鱗潑刺，籠久翅摧殘。雷電頒時令，陽和變歲寒。移簪承舊念，剖竹授新官。鄉覺前程近，心隨外事寬。生還應有分，西笑問長安。

重到江州感舊遊題郡樓十一韻

掌綸知是忝，剖竹信爲榮。才薄官仍重，恩深責尚輕。昔徵從典午，今出自承明。鳳詔休揮翰，漁歌欲濯纓。還乘小艫，却

到古湓城。醉客臨江待，禪僧出郭迎。青山滿眼在，白髮半頭生。又校三年老，何曾一事成。重過蕭寺宿，再上庾樓行。雲水新秋思，閭閻舊日情。郡民猶認得，司馬詠詩聲。

題別遺愛草堂兼呈李十使君

曾住爐峰下，書堂對藥臺。斬新蘿徑合，依舊竹牕開。砌水親開決，池荷手自栽。五年方暫至，一宿又須回。縱未長歸得，猶勝不到來。君家白鹿洞，聞道亦生苔。

趨翰苑遭誣構四十六韻

李紳

九五當乾德，三千應瑞符。纂堯昌聖曆，宗禹盛丕圖。畫象垂新令，消兵易舊謨。選賢方去智，招諫忽升愚。大樂調元氣，神功運化爐。脫鱗超沆瀣，翻翼集蓬壺。捧日恩光別，抽毫顧問殊。鳳形憐彩筆，龍頷借驪珠。擲地聲名寡，摩天羽翼孤。潔身

酬雨露利口扇讒諛碧海同宸眷鴻毛比賤軀辨疑分黑白
 舉直舐朋徒庭獸方呈角階莫始効芋日傾烏掩魄星落斗
 摧樞墜劍悲喬嶽號弓泣鼎湖亂羣逢害馬擇肉縱狂貙膽
 為隳肝竭心因瀝血枯滿帆摧駭浪征棹折危途余以戶部侍郎貶瑞

州司馬燕客書方詐堯門信未孚謗興金就鑠毀極玉生瘡礪

吻矜先搏張羅騁疾驅余遭逢吉構成遂以敬宗聽政之地

嫌稀魍魎海恨止番禺瘴嶺衝蛇入蒸池躡虺趨望天收雪

涕看鏡攬霜鬢草毒人驚翦茅荒室未誅火風晴處扇山鬼

雨中呼窮老鄉關遠羈愁骨肉無鵲靈窺牖戶龜瑞出泥途

余到瑞州有紅龜一州人李再榮來獻稱嘗有里人言吉徵也余放之於江中回頭者三四游泳前後不去久之又南中

滄波淼四隅海標傳信使江棹認妻孥到接三冬暮來經六

月徂暗灘朝不怒驚瀨夜無虞從吉州而南歷封康並足湍瀨危險至極其名有滅門擣

鮮霸州等灘惟江水泛漲則無此患俛首安羸業齊眉慰病夫涸魚思雨潤僵

燕望雷蘇詔下因頒朔恩移詎省辜余以寶曆元年五月量移江州長史誑天

猶指鹿依社尚憑狐度嶺瞻牛斗浮江淬輓轡未平人睚眦

誰懼鬼挪揄盆浦潮通楚匡山地接吳庾樓青桂滿遠寺素

蓮敷髣髴皆停馬悲歡盡隙駒舊交封宿草衰鬢重生芻萬

戟分梁苑雙旌寄魯儒駸駸移歲月冉冉近桑榆疲馬愁千

里孤鴻念五湖終當賦歸去那更學揚朱

送韓湘赴江西從事

姚合

年少登科客從軍詔命新行裝有兵器祖席盡詩人細雨湘
 城暮微風楚水春潯陽應足雁夢澤豈無塵猿叫來山頂潮
 痕在樹身從容多暇日佳句寄須頻

送韓校書赴江西幕

朱慶餘

從軍五湖外終是稱詩人酒後愁將別塗中過却春山橋榭
葉暗水館燕巢新驛舫迎應遠京書寄自頻野情隨到處公
務日關身久共趨名利龍鍾獨滯秦

奉送中丞姊夫儔自大理卿出鎮江西敘事書懷因成

十二韻

杜牧

惟帝憂南紀搜賢與大藩梅仙調步驟庾亮拂橐鞬一室何
勞埽三章自不冤精明如定國孤峻似陳蕃灞岸秋猶嫩藍
橋水始喧紅旂罽石壁黑稍斷雲根滕閣丹青倚章江碧玉
奔一聲仙妓唱千里暮江痕私好初童稚官榮見子孫流年
休挂念萬事至無言玉輦君頻過馮唐將未論傭書疇萬債
竹塢問樊村

夏日題遠公北閣

羅鄴

危閣壓山岡晴空疑鳥行勝搜花界盡響益梵音長有月堪
先到無風亦自涼人煙紛繞繞諸樹共蒼蒼榻戀高樓語甌
憐春茗香此身閒未得驅馬入殘陽

和段校書冬夕寄題廬山

劉得仁

名高身未到此恨蓄多時是夕吟因話他年必去隨嘗聞廬
嶽頂半入楚江湄幾處懸崖上千尋瀑布垂爐峰松浙瀝湓
浦柳參差日色連湖白鐘聲拂浪遲煙梯綠薜荔嶽寺步敲
危地本饒靈草林曾出祖師石樓霞耀壁猿樹鶴分枝細徑
縈巖末高牕見海涯嵌空寒更極寂寞夜尤思陰谷冰埋木
仙田雪覆芝亂泉禪客漱異迹逸人知薛室新開竈檉潭未
了棋如何遂開放長得任希尼

西江志 卷一百二十八
重歸宜春寄朝中知己

袁皓

水香甘似醴知是入袁溪黃竹成叢密青蘿夾岸低緩流瀾
瀾戲深樹鷓鴣啼黃犬驚迎客青牛困臥泥有村皆績紡無
地不耕犁鄉曲多耆舊逢迎盡杖藜殷勤傾白酒相勸有黃
雞歸老官知忝還鄉路不迷直言干忌諱權路恥依棲拙學
趨時態閑思與牧齊稻糧饒燕雀江海溢鳧鷖昔共逢離亂
今來息鼓鞞恩仁霑品物教化及雕題上貢貞元祿曾叨寵
記批何須歸紫禁便是到丹梯珍重長安道從今息馬嘶

南唐

敘事寄薦福棲白

李洞

險倚石屏風秋濤夢越中前朝吟會散故國講流終北地聞
巴狄南山見磧鴻樓高驚雨闊木落覺城空兔滿期姚監蟬
稀別楚公淨餅光照客拄杖朽生蟲平地塔千尺半空燈一
籠祝堯談幾句旋瀉海濤東

秋霽望廬山瀑布

夏侯楚

常思瀑布幽晴眺喜逢秋一帶連青嶂千尋倒碧流濕雲應
誤鶴翻浪定驚鷗星浦虹初下爐峰煙未收巖高時裊裊天
淨起悠悠儻見朝宗日還須濟巨舟

送江州薛尚書

周絲

匡廬千萬峰影匝郡城中忽佩虎符去遙疑鳥道通煙霞時
滿郭波浪暮連空樹翳樓臺月帆飛鼓角風郡齋多嶽客鄉
戶半漁翁王事行春外題詩寄遠公

廬山

李咸用

非嶽不言嶽此山通嶽言高人居亂世幾處滿前軒秀作神

仙宅靈為風雨根餘陰鋪楚甸一柱表吳門靜得八公侶雄
臨九子尊對猶青熨眼到必冷凝魂勢受重湖讓形難七澤
吞黑巖藏晝電紫霧泛朝暎蓮墮寧唯華玉焚堪小崑倒松
微發罅飛瀑遠成痕疊見雲容襯稜收雪氣昏裁詩曾困謝
作賦偶無孫流礙星光撇驚衝雁陣翻峰奇寒倚劍泉曲旋
如盆草短分雛雉林明露擲猿秋楓紅葉散春石谷雷奔月
好虎溪路煙深粟里源醉吟長易醒夢去亦銷煩有覺南方
重無疑厚地掀輕揚聞舊俗端用鎮元元

題故李賓客廬山草堂

許彬

難窮林下趣坐使致君恩術業行當代封章動諫垣已明邪
佞迹幾雪薜蘿冤報主深知此憂民詎可論名將山共古跡
與道俱存為謝重來者何人更及門

送薛郎中赴江州

張蟪

幾州聞出刺謠美有江民正面傳天旨懸心禱嶽神尺書先
假路紅旆旋燒塵郡顯山川別衙開將吏新散招僧坐暑閑
載客行春聽事棊忘著探題酒亂巡好編高隱傳多貌上昇
真近日居清近求人在此人

投江州張郎中

周賀

要地無閑日仍容冒謁頻借山年涉閨寢郡月逾旬驛徑曾
衝雪方泉省滌塵隨行溪路細接話草堂新減藥痊餘癖飛
書苦問貧噪蟬離宿散吟客寄秋身鍊句貽箱篋懸圖見蜀
岷使君匡嶽近終作社中人

廬山

李中

控壓潯陽景崔嵬古及今勢雄超地表翠盛接天心溢浦春

西江志 卷一百二十八
煙列星灣晚景沈圖經宜細覽題詠卒難任靖節門遙對庾
公樓俯臨參差含積雪隱映見歸禽峭拔推雙劍清虛數二
林白蓮池宛在翠輦事難尋天近星河冷龍歸洞穴深谷春
攢錦繡石潤疊瓊琳元鶴傳仙拜青猿伴客吟泉通九江遠
雲出幾州陰冬有靈湯溢夏無炎暑侵他年如遂隱五老是
知音

寄廬山白大師

長憶尋師處東林寓泊時一秋同看月無夜不論詩泉美茶
香異堂深磬韻遲鹿馴眠蘚徑猿苦叫霜枝別後音塵隔年
來鬢髮衰趨名方汲汲未果再遊期

寄題廬山二林寺

釋無可

廬嶽東南秀香花惠遠蹤名齊松嶺峻氣比沃州濃積岫連

何處幽崖越幾重雙流湓隱隱九派棹憧憧山限東西寺林
交旦暮鐘半天傾瀑溜數郡見鑪峰巖並金繩道潭分玉像
容江微匡俗路日杲晉朝松椽逕新苞拆梅籬故葉壅嵐光
生疊砌霞燄發高墉牕籟虛聞狖庭煙黑過龍定僧仙嶠起
逋客虎溪逢濩落垂楊戶荒涼種杏封塔留紅舍利池吐白
芙蓉畫壁披雲見禪衣對鶴縫喧經泉滴瀝沒履草丰茸翠
竇敲攀乳苔橋側杖筇探奇盈夢想搜峭滌心胸冥奧終難
盡登臨惜未從上方薇蕨滿歸去養乖慵

冬日送顏明府撫州覲省

釋皎然

臨川千里別惆悵上津橋日暮人歸盡山空雪未銷鄉雲心
渺渺楚水路遙遙林下方歡會山中獨寂寥天寒驚斷雁江
信望回潮歲晚流芳歇思君在紫霄

東西二林寺流水

釋貫休

水爾何如此區區矻矻流牆牆邊瀝瀝砌砌下啾啾味不卑
於乳聲常占得秋崩騰成大瀑落托出深溝遠歷神仙窟高
淋竹樹頭數家春碓磴幾處浴猿猴共月穿峰罅喧僧睡石
樓派通天宇闊雷入楚江浮為潤知何極無邊始自由好歸
江海裏長負濟川舟

西江志卷第一百二十八

西江志卷第一百二十九

藝文 詩十三

五言律

宋

彭澤狄梁公祠

趙抃

賢正屯蒙日陰邪會用時人從萬死過誰肯一言危毒意回
天后忠誠薦東之復唐三百載留得枕江祠

江上白樂天祠

我愛白司馬有言來謁祠才名千古照忠義一生奇諫切寧
思祿讒行卻罪詩如何江上客唯道琵琶詞

經鄱陽湖

捨陸事川程霜天曉色明長波萬頃闊大舸一帆輕靜唱村

西江志 卷一百二十九
漁樂斜飛渚鴈驚雲披見樓閣隱隱豫章城

登章貢臺

章貢東西派并流作贛川奔湍出城曲離合向臺前把酒來
憑檻鳴輦見放船滔滔歸底處滄海路三千

次韻周惇頤國博重陽節近見菊

為僚初自喜邀客亦逢嘉把酒須同樂分襟莫預嗟未成登
畫舸好再共黃花試向東籬看秋叢映曉霞

寄謝毛憲

去贛八千里於今十二年子嘉祐末被詔還臺無緣久東浙有命再西

川吏散庭空謂守虔日僧高寺款禪虔之東禪長老深悟理性老來思舊治

尤喜獲嘉篇

碧雲軒

范仲淹

我愛此中好幽軒絕世紛澂宵半牕月淡曉數峯雲遠意經
年就微吟並舍聞只應虛靜處所得自蘭芬

大林峯

周惇頤

三月山房暖林花互照明路盤層頂上人在半空行水色雲
含白禽聲谷應清天風拂襟袂縹緲覺身輕

送承澤上人歸寧富沙

祖無擇

五老峯前見過從一歲餘還將隨客棹歸去侍親輿乞食江
雲際牽吟臘雪初秣應清夜夢時復到荒廬

酬江西運使齊工部見寄

龍坂彌年別長茲仰道風夢曾瞻使節喜忽得詩筒詞藻春
林秀恩私地鎮崇因將示知者傳誦滿江東

吏隱宜春郡詩十首

吏隱宜春郡年豐獄訟稀餘糧委南畝茂草滿園扉天意憐
艱食民心恥畫衣萬家行樂處車馬有光輝

吏隱宜春郡溪山若畫圖纖鱗時自躍幽鳥靜相呼曉浪噴
寒雨晴嵐鎖綠蕪漁樵本吾事搔首重踟蹰

吏隱宜春郡追惟二相賢房瑄李德裕節明天寶日業茂會昌年
友善曾何累朋誣亦自煎瑄坐與李適之韋堅等善貶宜春太守德裕為王播李漢等所誣貶

宜春長史不才非不幸異代若差肩

吏隱宜春郡閑思應舉時端居苦貧賤徒步入京師誤寵乘
軒鶴均憂入廟犧功名在何許雙鬢已垂絲

吏隱宜春郡鄉園去路賒閒關成客宦荏苒度年華出水魚
吞餌辭山鳳在笱誰言千里隔夜夜夢吾家

吏隱宜春郡同僚得俊髦純音等疏越餘力劇豪曹器識青

雲遠歌詞白雪高遂令遷客意不復賦離騷

吏隱宜春郡山城少客過靜中窺物理閑外養天和春暖尋

花塢宵涼玩月波將迎者誰子勞逸兩如何

吏隱宜春郡放懷詩酒間未能慙下里幾欲效中山杜甫藩

籬窄劉伶帝幕慳高吟與沈醉榮辱詎相關

吏隱宜春郡窮通嬾更占矜名遭巧譖晦迹喜深潛昔慕狂

為聖今師智養恬優游無一事不覺歲時淹

吏隱宜春郡素餐誠有餘政聲慙遂霸文藻謝嚴徐使節分

銅虎仙廬祕石渠君恩殊未報不敢話歸與

沈康赴江西掾

高譽冠時英人皆倒屣迎決科材尚屈掌獄職仍輕滕閣吟

登健吳山醉望清公餘如訪古一為問豐城

西漢志 卷一百二十一
三
羌先生廟

先生高世迹舊隱白雲深結宇知何代遺祠直至今地分壇
杏影門接社蓮陰我亦希風者終朝託玉岑

贈廬山崇勝珂長老

珂也僧中秀曹溪得祖衣雲泉聊適性餅錫遂忘歸九月秋
風老千山暮雨霏我來陪靜話相對兩無機

施判官赴饒州

梅堯臣

昔日里中舊今為幕下英煙波歸楚國風月滿都城食有江
魚美時無羽檄驚他年儻行縣肯使折腰迎

蘇祠部通判洪州

飛鷁去江西秋飈滿桂旗蘆洲花白處楓岸葉丹時沙鳥看
來沒雲山愛後移高才屬滕閣家擅子卿詩

閻尹師魯謫富水

朝見諫臣逐暮章從謫官附炎人所易抱義爾惟難寧作沈
泥玉無為媚渚蘭心知歸有日時向斗牛看

寄饒州范待制

山水番君國文章漢侍臣古來中酒地今見獨醒人坐嘯安
浮俗談詩接上賓何由趨盛府徒爾望清塵

送洪州通判何太博若谷先歸新淦

拜官江上客乘馬不乘船獨畏蛟龍浪將歸風雨天葛花侵
野徑源水入腴田君住巴丘下西山道路連

送臨江軍監酒李太博

三江卑濕地北客宦遊稀霧氣多成雨雲蒸易損衣白醪燒
甕美黃雀下田肥未辨殊方語山歌半是非

送何都官通判虔州

楚越封圻接帆檣上下頻商通洲橘熟信到嶺梅春白紵歌
修頸金盤饋紫鱗同勤太守職龔遂漢名臣

董安員外之信州鉛山簿

古岸綠蒲老春帆逆水輕烹鮮聊以笔泝險復兼程可用茲
時樂無將遠道驚曾爲江上客因贈北行人

送餘干李少府

作尉古來清况於干越城舟中雨新足溪上水初生蒼獺出
還沒素鷗飛且鳴休將五色棒欲取洛陽名

吳季野話撫州潛心閣

高閣潛心所圖書曝蠹收青山隨宅轉遠水向門流迤邐看
無厭潺湲聽不休一間秦洞說便欲泛漁舟

送萬殿丞虔州安遠軍

新雷動江雨百鳥響溪巖逆水送行客順風催挂帆過山唯
廟敬團飯與烏銜太守雖憐舊須防有嫉讒

送黃國博知撫州

逆水乘風上蒲帆滿挂檣日行知幾里江渺不分置宿浦隨
潮入逢人問路長臨川十萬戶勸勞執壺漿

范待制約游廬山以故不往因寄

平昔愛山水茲聞廬嶽遊遠期無逸興獨往畏湍流舉手謝
雲巖棲心慙鳥鷗香爐碧峰下應爲一遲留

送宜黃柳尉

李觀

荒郊人事絕歡喜見時髦舊業椽爲筆新官草染袍幽明終
考績州縣豈徒勞况有松筠性凌寒節更高

龜峯精舍

去縣二十里路平時正春四山唯有石一寺更無塵融結疑
天意經營憶古人但知安樂處何必是全身

涵虛閣

蕪 洵

幽居少塵事瀟洒似江村苔蘚深三徑衣冠盛一門嶺雲時
聚散湖水自清渾世德書芳史傳家有令孫

戲和同年時在薦福寺

劉 敞

逃暑涓涓洒開襟細細風過雲催急雨落日澹秋空樹影經
行熟泉聲笑語通少年興不淺寧與老人同

送葛源之太和主簿

穆 修

勿歎從卑位聊欣適去情秋風九月急飛鳥一帆輕
鱗活杯嘗楚釀清繁華莫回首寵辱正堪驚

南康望湖亭

蘇 軾

八月渡長湖蕭條萬象踈秋風片帆急暮靄一山孤許國心
猶在康時術已虛岷峨家萬里投老得歸無

開先寺觀龍潭

米 芾

渡峽捫青玉臨深坐綠苔水從雙劍下山挾兩龍來春暖花
驚雪林空石迸雷塵纓聊此濯卻去首重回

贈景福順長老二首

蘇 轍

并序

轍幼侍先君聞嘗遊廬山過圓通見訥禪師留連久之元
豐五年以譴居高安景福順公不遠百里惠然來訪自言
昔從訥於圓通逮與先君遊歲月遷謝今三十六年矣二
公皆吾里人訥之化去已十一年而順公年七十四神完
氣定聰明了達對之悵懷疇昔作二篇贈之

屈指江西老多年，劍外人身心已無著。鄉黨漫相親，竄逐知何取。周旋意甚真，仍將大雷雨一洗百生塵。念昔先君子南遊四十年，相看順老在想見。訥師賢歲歷風輪轉，禪心海月圓。常情計延促，無語對潸然。

送李憲司理還新喻

采芹芹已老，浴沂沂尚寒。蒯緱長歎息，首蓓正闌干。黃卷忘憂易，青衫行路難。歸耕未有計，且復調閑官。

射蛟浦

萬騎巡遊遍千帆，破浪輕射蛟江水。赤教戰越人，驚山轉樓船影岸。催連弩聲祈招無爲賦，酣寢盡平生。

庾樓

元規情不薄，上客有殷生。夜半酒將罷，公來坐不驚。舞翻江

月迴談落塵，毛輕塵世風。流盡高樓空，此名

送饒州周沃秀才免解

少年工作賦中歲，復窮經驥老終。知道劍埋新發硎，束裝鄰里助答策。友朋聽還似臨淄，貢隨風起北溟。

紫極宮默軒

孔武仲

宴坐寂不語，先生心謂何。逍遙踈世味，恬淡養天和。一息忘言後，方知得象多。壺中藏日月，鼎裏煮山河。

至樟樹店寄徐安道

逼仄東南路，連天紫翠峰。微雲還掩日，小雨正催農。谷鳥投枝急，山花落澗濃。意巖今不遠，談笑喜相逢。

筠州張氏追遠堂

慘淡佳城側，穹窿百尺堂。歲時如過隙，松柏已成行。玉筍登

盤美瓊醅入奠香英靈似明月時到此山傍

久雨不止二月半以勅醮廬山真君殿入夜星月皎然

孔平仲

連朝苦陰雨入夜月華新清醮當今夕真君信有神燈光想
如晝香氣自生春水旱多為害當思善養民

龍溪新亭

曾鞏

懷玉知名寺諸峯翠插天凌雲飛約略照水舞蜿蜒午日孤
穿屐新涼定著鞭更須煩慧遠小立虎溪邊

上王荆公墓詩

曾鞏

天上龍胡斷人間鵬鳥來未應淮水竭所惜泰山頽華屋今
非昔佳城閉不開白頭門下士悵望有餘哀

贈仰山簡老

黃庭堅

簡師飛錫地天外集雲峯擎石松根瘦敲窗竹影濃山寒侵
壤袖澗響雜疎鐘客問西來意無言凭短筇

已酉歲十一月二十六日避寇至龍潭院十二月十五

日作五首

洪炎

徑轉橋橫水林深寺據山鐘魚告闌寂松竹媚孱顏避地欣
有託依僧成暫閑東歸路不隔片片隴雲還

突兀山椒寺披榛二百年刹從吾祖卜席是里僧傳溪送無
窮水林供不斷煙囊中有餘粒假息且安眠

潭黑蛟龍宅山青虎豹林隱憂何日了淹泊見冬深薄雪恨
還積疎梅冷不禁平生一樽酒衰疾廢孤斟

殺氣纏中土妖徵出秦階架橋凌禹穴投策暗秦淮匪兇歌
何苦非熊願亦乖申胥雖有淚無地寄予懷

西江志 卷一百二十九
宵旰憂雖切咨謀策靡長築壇推騎劫假節得糜芳已矣重
江險哀哉古豫章蓬茅今在否矯首恨難忘

曉發鷺湖

萬松參嶺路千畝勸春耕不復紅鷺下空餘碧澗橫佛局穿
縹緲仙馭鑠崢嶸道釋分殊境籃輿許我行

信州逢寒食

客行寒食路春晚上饒城野寺烏烏樂山蹊荆棘生人隨乘
鴈集地隔一牛鳴俛首征途內官曹何日清

過揚瀾

彭汝礪

路入揚瀾險心魂獨惘然秋風浪飛屋春雨水彌天一葉漁
翁艇千鈞客子船相爭蝸角利平地看深淵

同遊獨山

相期一尊樂共宿獨山青塵土不能汙夢魂還自醒夕陽登
絕逕明月步危亭為我題僧壁炎天此日經

南安道中

南安窮且僻况復阻凶饑破屋人何在空山鳥自歸兒童多
素鞵婦女祇青衣好雨兆豐歲斯民其庶幾

癸未偕子仲都官文淵節推遊東湖和子仲湖字韻

泛泛林邊晚扁舟憶五湖丹青難作賦水墨好為圖龍蟄雲
長在霜寒草自枯詩翁足幽興瀟洒在蓬壺

和文淵同字韻

湖上多佳致清尊况不空樂游今日並幽思幾人同苒苒芰
荷雨蕭蕭蘆葦風南州人不見流水自無窮

題袁州紫翠軒

黯淡襟橫野迢迢面古城丹青難盡意紫翠漫為名山石開
新雨溪楓照晚晴杖藜饒縱目談笑不無情

雲蓋寺詩

并序

唐淨圓禪師初自石霜來得乳蘿洞喜之將宅焉初至蛇
虺塞路矯然怒視師師以法語告蛇引去既宿而斃師為
焚之且視無遺燼有三水出焉左者黑右者清中者白師
既築室從之者歸市逮今遂為名刹

舊日蛇虺穴今時蒼筤林寒泉三井舊高閣五峯深翠竹娟
娟老長松漠漠陰鳳凰池好在誰得老師心

送鄭寺丞過洪州四首

盛德鴻樞後才華日久新聲名飛海岳步履望星辰碁銳知
無敵詩成似有神當塗難久滯行楫桂花春

清風不可近碎壁綴圓規翰墨傳家學風流蘊素資龍孫藏
舊節蟾桂毓新枝願聽功名起青雲慰所思
恨接清規晚愁看去鷁東別情萬里遠離緒一樽中柳意藏
春雪梅香度曉風餘寒須有作無惜寄江鴻
聞君話行色今過洞中天坐視征帆速還令別意牽重江鎖
雲霧邃谷隱神仙不得相追逐詩成一洒然

題廬阜官廳壁

張耒

平生山水興今夜宿東林落日樓殿影西風鐘梵音雲橫杉
閣迴雨過虎溪深脚力猶堪在它年當重尋

過新城院

張商英

昔讀旴川集嘗聞泰伯賢新城文刻在往事野僧傳氣格終
驚俗光芒合貫天田翁不知價只得十千錢

臨江

劉弇

居然兩福地首尾限清江
窳窳蘆洲抱晶熒石澗淙
潑雲和穉稷割雨曉
舫艘愁絕村南舍
馴雞對小窗

萍鄉即事

蔣之奇

地接長沙近鄉名自古聞
毛山千嶂雪玉女一墩雲
拱木扶霄上飛泉觸石分
霜風萍實老目斷楚江濱

滕王閣詩二首

徐俯

一日追王造千年與客遊
雲邊梅嶺出坐下贛江流
日落迴飛鳥煙深失釣舟
蟬聲枯柳外天地晚風秋
雲氣浮高棟波瀾遶古城
雨餘山更碧葉下水逾清
燕語留秋色鴉聲落晚晴
故王歌舞地帆急見山行

離筠州

呂本中

舊日閑居客無悰已倦遊
如今避地走不復為山留
淮甸初經夏江西復度秋
今朝小亭望東北是筠州

宿翠微寺

西山今夜雨不為故人留
泥滑淹行李風聲欲送秋
中原且多事吾黨敢無憂
明日經由地江南更幾州

送錢子虛撫幹往洪州赴新任

老矣吾無用歸與子未宜端
能出奇策略為濟斯時悶
有書遮眼閑須笏拄頤
西山有爽氣當報故人知

登郡學稽古閣晚望

蔡栴

簷外川原迴煙中草樹微
山城暮吹角客子淚沾衣
歲月經身老行藏與願違
歸禽帶落日渺渺背人飛

化成巖

李若水

西江志 卷一百二十九 十一
翠石黏雲濕寒巖帶蘚深樹涵懷古意水印讀書心經濟神
猶在幽棲徑可尋青氈吾舊物稅駕卧山陰

望彭蠡

嚴祭

萬壑氣交會今知楚澤雄水明纔辨樹霧合忽迷空遠浦沈
初月孤舟亂去鴻闌干已愁思漁唱入蘋風

遊芝山寺

王十朋

出郭上崔嵬山川亦壯哉三芝誰采去五老欲飛來懷古情
無盡思鄉首屢回論文一尊酒天色為吾開

登綺霞亭用碧雲軒韻

郡亭臨大澤霞障截塵紛有色祇因日無心元是雲滄浪隨
郭轉欵乃隔江聞文正已仙去佳名千載芬

易芝山五老亭名曰五峯安國書之因成短篇

三秀呈祥處危亭壓衆坡眼驚廬阜近峯類夏雲多喬嶽神
咸會蒼穹頂共摩紫微新鐵畫輝映楚江波

中秋宿灤溪驛

二首

半月游廬阜中秋宿灤溪祠尋元子隱

元次山舊隱

樹認赤烏栖

坐待雲開月行愁雨作泥番人應話我身在九江西
浪士舊游處旅人今兩宵赤烏曾紀瑞銀杏敢興妖

驛故簿聽有銀

杏木甚古能為妖伐之乃息

照眼水名灤回頭山憶堯

鄱陽有堯山

男兒四方

志寧憚蜀天遙

南遷題吉州剛應侯廟柱

陳剛中

疏爵新剛應論功舊石材能形文母夢還訝佞人來海市為
誰出衡雲豈自開乞靈如見告逐客幾時回

按隆祐太后避金兵舟泊吉州石材廟下夜夢神告曰速

行鹵至太后驚寤即發舟指贛金人追至造口不及而還
事定封廟神為剛應侯時剛中以胡忠簡事牽連被謫安
遠故詩中云云後竟死貶所

臨川道上

楊時

風雨離山驛斷橋危欲顛去心奔逸驥行路上青天鴈序江
湖樂寒歸島嶼連悠悠遠征客千里獨茫然

臨川驛偶成

冉冉朝仍暮蕭條官舍幽閉門三尺雪觸物一虛舟蟲蠹生
涯盡萍飄世事浮尚思方技學多病未能休

寄金確然

朱松

金子臨空谷何人賦白駒僧斟三味酒客薦一囊書歸夢寒
應短詩腸饑自呼強穿東郭履來煮雪畦蔬

鳳停館中秋

王庭珪

山高月未吐吟上嶺頭看萬里雲霄靜一天星斗寒蝦蟆出
金背玉兔動銀盤唯有南飛鵲遶枝終不安

廬山道中寄送聶名世

村遠孤煙起山明曉霧開人行萬松裏路過九江來此去日
千里其如腸九回淮南酒樓近玉笛不勝哀

鐵柱觀

王阮

西晉旌陽令南昌鐵柱宮人間依道庇天上擢陰功江靜蠻
尸漲爐存造化工我來如有遇舉杖欲凌風

陪陳帥登孺子亭

未上滕王閣先登孺子亭朝廷黨錮傳湖海少微星獨善非
忘世高風自有靈東湖山上色長為此人青

陪諸公登廣福觀下望彭蠡

水繞一圍帶山橫八字肩壯哉極目地慰此凭闌時刻縣可乘興漢陂真好奇相逢休務日因得數言詩

題落星寺

島石是處有星辰曾賈無莊嚴成淨土怪誕出浮屠屢氣樓穿海龍堆沙擁湖盡除金碧像吾欲舍吾徒

題靖節先生祠

并序

督郵行縣先生去之某始未喻以爲接之或可同寅烏在未見遽謂小兒去之哉晚得一邑親見羣兒挾權規利難與爲仁而後敬歎先生何其辨之蚤也夫薄固其資傲則有所恃昂昂而來以督郵則非尊於彭澤則爲客知令之賢不能以禮先之坐待其迎責以束帶傲薄備矣欲其同

寅難矣哉斥之於未見之先避之於未辱之始至矣先生之明也且督郵瑣瑣無以議爲也獨惜而長用非其人卒使銜命者負擠賢之辜出令者貽同惡之誚一舉而賓主交訛焉非類聚乎流弊千載凡一小吏出必迎謁責人吏多患失竭民力以奉之先生恥之某亦恥之乃賦歸去來以彰立懦時淳熙七年六月二十五日也

先生新布政誰遣小兒來爾面何須識其心端可猜有名高日月無力救氛埃百世千秋後聞風亦遽回

投周益公

洛中九老後林下一人間蘇篆易鐘鼎泉聲先珮環禪從止水定詩挽正風還卻爲午橋惜惜無螺浦山

閏月十一日月中坐彭蠡門喚船與諸人共載汎湖至

隄首回櫂入西灣還分韻賦詩約來晚復集詩不至者
浮以大白 朱子

解組無多日歸哉喜欲狂臨風成邂逅載月下滄浪酌酒傳
清影鳴橈繫素光佗年隔千里此夜莫相忘

和張彥輔白鹿洞作

邃谷新華館風煙再吐吞舊眠聞野鹿遺恨響驚猿共賞忻
同趣分攜愴別魂徘徊空日夕無策駐行軒

次彥輔西原作

無處堪投跡空山寄一椽懸門窺絕壁繚徑上層巔檻濶吞
江浪窗虛響谷泉丹經閑自讀不為學神仙

次彥輔卧龍作

瀑水源何處高疑雲漢通瀉時垂練直落處古潭空客寄詩

能好龍蟠意自雄知君來峴首為我說隆中

次彥輔棲賢作

融冶何年事停杯莫問天祇今從痼疾疇昔似因緣傾耳真
三峽投文入九淵蘭亭那得此猶足致羣賢

十一月二十六日宿萍鄉西三十餘里黃花渡口客舍
稍明潔有宋亭伯題詩亦頗不俗因錄而和之

鼎足爐邊坐陶然共一樽道心元自勝世味不須論安穩三
更睡清明一氣存雖無康樂句聊爾慰營魂

九日奉陪高州史君莆陽別駕會稽丞公善化明府仲
衡詩伯并屈子美元範二兄及郡中諸文武同登紫霄
絕頂南望江湖北眺淮甸少快心目既歸又得仲衡佳
篇句法清麗情致悽惋三復不勝起予之歎謹次韻呈

西江志 卷一百二十九
請皆賦之以紀一時之盛

此日登高處千年錦樹稠無人朝落帽有客賦悲秋忽忽塵
中老忽忽物外遊江湖空極目不盡古今愁

安仁曉行

夙駕安仁道行行得自娛荒山圍野闊遠樹出林孤景晦長
煙合天寒碧草枯歸心懷往路極日向平蕪

章巖

豁爾天開宇呀然夜不扃閑雲任棲宿密雨斷飄零破屋僧
常住高軒客屢經古今題寫處一半蘚文青

南安道中

曉澗淙流急秋山寒氣深高蟬多遠韻茂樹有餘陰煙火居
民少荒蹊草露侵悠悠秋稼晚寥落歲寒心

清江道中見梅

今日清江路寒梅第一枝不愁風嫋嫋正奈雪垂垂煖熱惟
須酒平章卻要詩他年千里夢誰與寄相思

進賢道中

往辭湘水曲今過豫章城改歲無多日到家才幾程書憐春
意迫夜喜月華清此去無淹軌前途似掌平

過豐城作

渺渺豐城縣回頭憶舊遊晴江羅遠樹宿莽亂中洲寶劍今
鱗甲神光尚斗牛他年還記得此夜一扁舟

送陳約甫知永豐

葉適

四十未朝請三經縮縣章嫁頻知子熟醫老悟身嘗菊趁行
時色梅催到日香還欣肺氣減中熱變為涼

兩後送李將軍還祠偕同寅飲一杯亭 趙汝愚
民感桑林雨雲施李靖龍精誠天地動意願鬼神從村喜禾
花實峰看嶺岫重白旗輝烈日遙映一杯濃

弋陽道中

吳儆

積雨今朝霽東臯晚日紅人家深蔽樹野水闊浮空久客仍
行役青春已過中嶺樓入望處腸斷白雲東

竹坡桂山堂

周必大

京國薪如桂家山桂滿林葉留經歲碧花雨盛秋金作楫商
舟穩爲梁漢殿深幽貞宜自閔莫待斧斤尋

和趙吉州三首

劉克莊

學者當窮理工詩豈美名不能禪采訪徒自取譏評責已希
韋孟休官慕向平如今成病鶴垂首噤無聲

憔悴東陽令區區謾自疲斷無問牛智寧受放魚欺儉陋交
游笑低平父老知向來子元子鬢鬢是吾師

今代廬陵牧蒼生屬意深胷中絲補袞肘後藥成金僕自操
齊瑟公宜和舜琴篝燈精舍裏何日共論心

送人赴廬陵尉

聞說江西路而今不宿師省民來著業少府去吟詩夜月營
門鼓春風射圃旗雖然溪峒事閒暇要先知

懷李敬子

此士今徐孺柴扉肯妄開空聞羔鴈去不見鳳麟來廬阜尋
僧出東湖赴講迴何由操杖履林下再相陪

徐孺子墓

今曉安墳意梅仙舊解傍醞成龍不至羅設鳳高翔黨錮人

俱燼先生骨尚香小詩拈未出何以侑椒漿

黃檗山

出縣半程遙松間認粉標峯排神女峽寺創德宗朝鶴老巢
高木僧寒曬墮樵早知人世淡來往退居寮

袁州路遇晴

楊萬里

晴意久不果天容今一新如何半輪日銷卻許多雲積雨還
休雨小春真似春客心君莫問山鳥亦欣欣

明發弋陽縣

燈市通宵沸朝來解一空梅邊霜似雪霧外日如虹句妙元
非作人窮未必工忽驚家已遠身在大江東

同李簿養直登秋屏

太範今無寺秋屏故有基看山非不好弔古卻成悲行役真

何苦同來也未遲題詩只惡語差勝不題詩

四月四日午初出浙東界入信州永豐界

外面千峯合中間一徑通日光自搖水天靜本無風村酒渾
春綠林花倦午紅莫欺山堠子知我入江東

過皂口

贛石三百里春流十八灘路從青壁絕船到半江寒不是春
光好誰供客子看猶須一尊渌并遣百憂寬

過趙家莊

老子方孤悶西山忽在旁回頭鄔子若明眼趙家莊試飲章
江味中涵吉水香望鄉儂已喜而況到吾鄉

靈山

饒水回回轉靈山面面逢展成青步障斂作碧芙蓉變態百

千樣尖新三兩峯遠看方更好還隔翠雲重

入弋陽界道旁兩石山一名蘆山絕妙一曰石人峯次

焉上有一石起立如人形

一色將蒼玉雙堆作假山峯巒妙天下花草半巖間舊瘦天
風骨新晞夢雨鬢何人緣底恨化石立孱顏

送周彥敷通判之官臨川

益國今姬旦治中小呂申留家視蘭膳匹馬見州民慈訓二
六句寒窗三十春校書天祿閣才子即雲津

寄題南昌尉廳思賢亭 并序

南昌尉廳之右有孺子墓墓前故有思賢亭中更兵燹亭
毀墓湮今尉劔津張敬之因葺公解披榛得墓按圖牒墓
旁有九里井求之得井又有甿耕桓伊墓下得甍三款識

云晉平南將軍墓距聘君墓七里驗其遐邇而信表其墓
乃復其亭云敬為賦之

有客栖霞外無名宛黨中南州一高士東海獨清風舊國有
禾女荒阡猶石翁更煩吹笛魄端為洗榛叢

豫章南浦亭泊舟 二首

范成大

繡檻臨滄渚牙樯插暮沙浦雲沈斷鴈江雨入昏鴉野曠天
何近春寒歲未華來朝風一席隨處且浮家
閨歲花光晚霜朝草色荒趁墟猶市井收潦再耕桑客路東
西懶江流日夜忙長歌情不盡一酌醉滄浪

宿華巖寺

陸游

夜宿華巖寺人扶到上方喚僧同看畫避佛旋移牀小雨不
成雪烈風還作霜鐘殘燈漸暗跌坐默焚香

西江志 卷一百二十九
登擬峴臺

顛顛思吳客淒涼擬峴臺一年秋欲到兩鬢老先催裊裊菱歌斷翩翩水鳥來倚闌哦五字未穩莫輕回

撫州上元

江月微雲外街泥小雨餘人如虛市散燈似曉星踈羈鴈同身世新霜上鬢鬢明年更清絕魚火對茅廬

贈進賢劉令

簿領塵埃裏超然見鳳麟性踈忘顧忌學大有經綸正論雖頻接高標豈易親向來相識晚吾黨欠斯人

送王嘉叟編修出佐南昌

玉殿求衣早鸞臺退食遲君看多故日寧是棄言時小作南州計方觀急詔追歸來上霄漢莫遣此心移

發臨川

見客道旁店添衣江上村陂長風浩浩山遠霧昏昏虛日人聲合凶年菜色繁扶衰歸北闕何以報君恩

別張教授歸獨登擬峴

小閣敞朱扉停車暫息機行人呼晚渡幼婦浣秋衣霜樹敲危堞風鴉滿落暉登臨客愁裏況是送將歸

金石山

開歲爲休暇官司亦暫閑樓臺先畫永花柳尚春慳鳴鳥隨遊轡和風愜醉顏更憐歸路好破墨數峯山

湖口宰任伯厚挹清亭

劉過

政笑行役倦登臨心眼開舒蘄千里見蜀巔兩江來老覺樹如此涼生風快哉主人方好客不筭酒行杯

初伏闕上書得旨還鄉上楊守祕書二首

郡大廬陵古分符得祕郎息爭民珥筆課最米連樞冰隔蓬
山遠風凝畫戟香少須官事了歸去玉為堂

百計歸無策誰知禍有胎江河周顛泣城郭令威來訪舊須
俱白過家心欲摧故鄉非不好不是錦衣回

題禾川龍飛英疏榮閣

堂扁朱書字何人可得之三衙新統帥六館老宗師文武無
窮意江山不盡詩親恩如可報會有報君時

寄汪信民二首

謝 邁

泮水傳經老蓬山佐箸才宦游思引去祿養可歸來要路眼
誰白浮雲心自灰少年馬何駛君馬獨虺隤

繫纜符離日君行殊未歸寄書問亳社有夢向江西不見揮

犀柄頻驚響馬蹄殷勤具雞黍多謝德公妻

登四望亭

王 炎

春老飛花罷園林遍綠陰憑高聊寓目念遠更傷心劇郡才
難稱衰年病易侵不如休歇去吾意決投簪

溪上晚步二首分寧作

山靜色不改溪深流自遲緩行聊寓目小立卻支頤樵斧寒
尤響漁舟晚更移老夫無伴侶稚子獨追隨

風定留黃葉波深湧白沙前山惟道院斷岸半漁家老去忘
時事閑中度歲華經旬如再出便可探梅花

宿正覺寺

曾季

正覺江邊寺風煙罨畫然庭羅合抱栢門泊釣魚船暮雨涼
初過中秋月正圓無人來共賞獨自占江天

遊華子岡紅泉碧澗

曾極

去城纔半驛深谷自逶迤藤絡崩崖石松垂倒地枝寒山縮
毛髮碧澗照鬢眉霜氣全消歇空存太傅祠

護法寺勸農呈秘丞

徐鹿卿

出郭蹣跚塵遠劭農德意宣旌旗清賞地蓑笠嫩晴天犬吠柴
門曉牛肥草徑鮮殷勤觴父老和氣釀豐年

再遊梅關書呈黃幹

雲邊大庾嶺嶺上一叢林送往迎來路升高望遠心年華今
復古人事古猶今唯有關門石相看歲月深

次黃幹梅關韻

二首

老盧行法地千載復抽關崖石橫雙翠禪機漏一斑兩泉涵
定慧半榻臥雲閒著我談風月真成出世閒

相逢白蓮社失脚過前溪野興雲橫浦禪心絮著泥梅花大
庾嶺鉢石古招提擾擾仕途夢從前幾箇迷

快閣書呈吳宰

千里章江路登臨獨此雄清波長夜月落木又秋風浪蕩浮
花外盟鷗狎鷺中詩蒐蘇醒在千載豫章公

龍回院

謝諤

堂殿塵埃外軒櫺紫翠中凭欄千障雨敲枕半窗風得意何
妨僻尋幽豈易窮分張閑草木一一見春工

宿鄔子寨

翁靈舒

已謁龍君廟明朝早過湖傍沙船盡泊經火地多枯秋至昏
星易空長楚月孤蕭條村戍闕更點有如無

寄新吳友人

趙師秀

每於樓上立遠望新吳春至山疑長江空雨似無懷才人
盡愛多病體常癯若治東遊策舟行與子俱

徐孺子宅

今識高眠處滄波是切隣已知難即鹿惟有獨潛鱗
荷葉藤深失樹身閒思昔微子猶自得稱仁

望梅亭

有序

羅願

南安軍未至嶺有望梅亭余兄端翔權軍事有感作此
節物重陽後風煙庾嶺頭休論梅子雨纔度菊花秋翠壁堪
橫絕幽亭勸小留謀生兄弟拙一一傍南州

遊越山即景

山在奉新縣北四十里

幸元龍

上得越山半方壺紫翠環山幽春溜響花落午陰閑
松外仙家在竹間小窗借高枕風定鳥綿蠻

景德鎮次復劉竹坡

姚勉

投閑當未老知止似公難菊寫稱今絕琴留作古彈
柳塘春步暖蘭筆夜呵寒共說金華叟高風埒謝安

興福寺

真德秀

爲厭市喧雜攜詩來此吟鳥聲山路靜花影寺門深
樓閣莊嚴地池塘清淨心松風亦好事送客出前林

遊青原

二首

文天祥

鐘魚閒日月竹樹老風煙一徑溪聲滿四山天影圓無言都
是趣有想便成緣夢破啼猿雨開元六百年

空庭橫蟠螭斷碣偃龍蛇活火參禪筍眞泉透佛茶晚鐘何
處雨春水滿城花夜影燈前客江西七祖家

題吳城山

西江志 卷一百二十九
龍行人鬼外神在地天間彭蠡石砮出洞庭商舶還秋風黃
鵠闊春兩白鷗閑雲際青如粟河流接海山

文山即事

宇宙風煙濶山林日月長開灘通燕尾伐石割羊腸盤谷堪
居李廬山偶姓康知名總閒事一醉擢滄浪

將母赴贛道西昌

重來鷗閣曉帆影漲新晴倚檻雲來去開簾花送迎江湖春
汗漫歲月老崢嶸手把忘憂草夔夔繞太清

快閣遇雨觀瀾

一笑登臨晚江流接太虛自慚雲出岫爭訝雨隨車慷慨十
圍柳周回千里魚故園隄好在夜夢繞吾廬

題鬱孤臺

城郭春聲潤樓臺晝影遲並天浮雪界蓋海出雲旗風雨十
年夢江湖萬里思倚闌時北顧空翠濕朝曦

翠玉樓觀雪

矯矯臨清泚濛濛認翠微緜春生客袖鐵冷上戎衣柳眼驚
何老梅花覺半肥新來有公事白戰破重圍

阜蓋樓

一水樓臺繞半空圖書開蝸涎行薜荔雀影上莓苔碧落人
千載青山酒一杯晚煙看不盡待月卻歸來

石樓

曉色重簾捲春聲疊鼓催長垣連草樹遠水照樓臺八境煙
濃淡六街人往來平安消息好看到嶺頭梅

湖口

西江志 卷一百二十一
江湖一都會宇宙幾興亡走馬蘆林外買魚茅舍傍南人櫂
快槳北客坐危檣江水交岷水東流日夜長

南安軍

梅花南北路風雨濕征衣出嶺誰同出歸鄉如不歸山河千
古在城郭一時非饑死真吾志夢中行採薇

送劉治中之信州

謝枋得

冰玉古溪山治中今士元邦人敬文簡道化望曾孫朱子書
堂在東萊講席存十年儒道晦此日喜登門

永新道中

葛起耕

冉冉螺川路茲行本不期地平風到疾山僻雪消遲漸遠鄉
人少初行歧路疑斷雲無意緒直欲上梅枝

南豐道中

四首

黃文雷

此縣聞天下披圖且萬家螭頭餘佛屋鹿角臥江沙好與蘓
凋瘵誰令息嘆嗟春風多少意殘竹映松花
此路通南國於今人少行遺民依廟住曠野用鋤耕古木刀
痕熟空山鬼火驚猶聞宿師處倉猝又招兵
想見承平日茲為富庶鄉門庭存位置井臼隔垣牆草市宜
區種空村又夕陽誰歟真致此盜賊已天亡
大村三百輩同此就天誅銳欲取禾耳那知暴骨乎雲疑鷺
鸛陣風想虎狼都掩骼行春令毋令長媚狐

上天池寺

始從平地望宛在九霄中不意身能到平生心併空江淮通
好雨日月會剛風三伏涼如水蟠拏想白龍

都昌書事

趙崇錡

西江志 卷一百二十九
世事可無酒春藤還有花山雲欲到地街鼓又催衙風緊魚
休市官貧飯帶沙天機不得問暮色欲棲鴉

滕閣懷古

鄒登龍

凭高獨展眺風葉亂鳴秋鸞舞自空閣漁歌尚晚舟卷簾山
歷歷倚檻水悠悠月出江城暮淒涼萬古愁

遊玉笥山

玉笥凌空後元都詔吏仙荒壇深覆草峭壁響流泉石洞隨
龍蟄金丹許鶴傳夜深擣藥烏啼破翠微煙

上慧力寺

今代空王宅前朝處士家牛車爲象藏鹿苑發龍華松密風
生樹江空月在沙闍黎飯鐘後邀我試新茶

遊仰山寺

施地開金刹神因結佛緣怪松盤獺徑古木護龍淵雲裏春
山亂禽啼夜月圓路遙歸不得好借上方眠

登玉笥山投龍洞

羅與之

捫蘿入幽谷眼界益崢嶸石壁斷人跡泉流間鳥鳴日高雲
未散秋晚草猶榮坐久無歸意悠然世念輕

寄玉笥蕭高士

滴露謦眞誥蕭然莫與羣新詩高似月世念薄於雲俗走堪
憐我閑眠極羨君唯餘綠綺韻惆悵未曾聞

送宋謙父之清江因簡希亮

張至龍

吟詩夕陽裏相送上瀟灘前路逢梅處同誰倚權看歲窮風
力緊江濶鴈聲寒持此呈蘇季人生識面難

豫章別紫芝

西江志 卷一百二十九
吟苦事俱廢拙深貧未除年來如旅燕秋至即移居古道行
黃葉空囊貯素書一生江海恨惟子最知余

送郭道士之江州

盡看山南景忽思山北遊履過雲亦動琴罷月空留世上無
非熱林間一似秋雖然乍相識別去也能愁

送徐和卿之上饒

江樹雜丹青江寒少得晴亦知君去路多是水爲程銜位猶
書岳游從半作卿如逢二泉子因說野人名

章泉澗泉
皆居信

招賢渡溪閣晚望

趙汝錡

溪流清到底十頃浸秋光煙重山加色風狂鴈失行塵埃雙
老鬢天地幾斜陽何處一聲笛征人暗斷腸

臨川縣治古桂兩大株與葉潛仲鄔文伯飲花下

雙桂相傳久百年殊未衰樹聯鋪葉密根老著花遲葩墜黏
詩筆香濃透酒卮月中但孤影安得兩交枝

輓謝疊山詩 三首

湯漢

向老逢危亂投軍復欲東九遷徒有命一戰不成功楚戶言
猶在韓讐事已空風塵長蒼莽身世轉飄蓬

芒屨初就道慷慨不辭難袞袞長江盡蕭蕭易水寒風霜欺
漢節塵土上南冠無復加餐飯傍人掬淚看

懷哉千古事百鍊不爲柔漢祖尤封齒殷臣不事周寧隨文
相國直匹李潭州浩蕩江相接東西萬古愁

白鶴觀

鄧林

荒徑行如錯蟠松看轉奇鳥聲人靜處山色雨晴時賒得溪
翁酒閒尋道士碁箇中有佳趣莫怪下山遲

廬山棲賢寺

名重於諸刹前賢舊隱踪無人知有路隔樹忽聞鐘瀑壯山
疑裂雲深寺若封或傳遺橐在三叩昔時松

湓江

遠樹一重重煙村與市通難尋元亮宅遙酌菊花叢蜀浪帆
檣外廬山几席中何時邊事息來此作漁翁

送張直翁之筠陽

薛師石

時平民事少詩句定能清況作江西去放教秋水生山花香
淡泊湘竹恨分明朝士多知爾慈溪舊有聲

鬱孤臺

黃大受

臺高日欲暝晚眺眼增明疊嶂羅雲樹雙流抱粉城低浮煙
萬棟清送月三更尚約秋吟夜江聲帶雨聽

豫章滕王閣

喻桂

滕閣昔曾遊今無檻外樓遠山連樹合盡日對江流古石空
存記騷人易感秋夜深呼酒處燈火燦漁舟

初退黃龍院作

釋祖心

不住唐朝寺閑為宋地僧生涯三事衲故舊一枝藤乞食隨
緣過逢山任意登相逢莫相笑不是嶺南能

普通禪寺

釋德惠

古寺何年有峩巍入杳冥水如僧眼碧山作佛頭青瓦礫皆
能說虛空亦解聽道人心已寂窗下捲殘經

五言排律

魏奉禮昭文知吉州龍泉縣

楊億

平昔登龍坂因緣識玉人庭中華轂滿膝下綵衣新少列悲

先露高堂泣累茵嘉賓碣館閉遺業寢丘貧弓冶傳家久絃
歌宰邑頻循良同漢吏惠愛及齊民又出夷門去還臨潁水
濱不須輕百里自古應星辰

次韻何若谷別後見寄

趙抃

言念分符日來逢別乘賢瘡痍求俗去風教爲民宣吏獄都
無擾農疇屬有年歡嘗陪射的清不廢鳴絃避暑尋蕭寺遊
春醉畫船文楸坐帷幄詩敵肆戈鋌邂逅窮江地淒涼落葉
天代還公去矣佇立我依然久契成彌固雖憂不暫蠲高臺
倚章貢時一誦佳篇

同徐殿丞遊麻姑山陳屯田聞之以詩見寄次韻第一

首

李覲

良友嗟塵網相期物外遊求珠非赤水不死是丹丘机上麟

交擘樽中蟻亂浮仙家一度醉人世幾千秋藥氣多留鼎茶
香細出甌堯人方曠蕩容易學巢由

代書寄歐陽永叔四十韻

梅堯臣

始謫夷陵日當居建德年一書冤逐客四詠繼稱賢自謂臨
江徼相逢莫我先白醪封畫榼素鯉養泓泉戒吏收山粟呼
童惜沼蓮只期東浦過共醉小溪邊日日占風勢時時到水
塹安知貪挂席不肯暫回船自爾皆無定歸與亦未然指程
幾一月沂險歷三千魚鳥都難問音塵杳莫傳因之走羸僕
試與訪南遷比及過牛峽還聞迎壁田報言雖不獲吉語喜
多全我解歸堯闕君移近漢淵問塗曾未遠命駕亦何緣衰
野今行矣隆中有待焉鄉亭瓜接畛風化蟻同羶即欲朋簪
盍翻爲俗事牽愛嬰嬌啞啞嗜寢腹便便鷄黍煩爲具輪轅

西江志 卷一百二十九
豈得前寄聲勤以謝幸予恕而憐來貺誠為望論情恐未捐
嘗親馬南郡果謁謝臨川遂得窺顏色重忻論簡編聊咨別
後著大出篋中篇問傳輕何學言詩詆鄭箋飄流信窮厄探
討愈精專道舊終忘倦評文欲廢眠寧知主人貴但見左魚
懸所至同風月相歡憶澗瀍清歌嗟在耳素髮怪侵顛翠堞
時登眺芳洲屢泝沿難醒撥醅醪殊厭落頭鮮坐竹聽啼鳥
臨流聒嘒蟬孤亭起歸夢南陌去揚鞭出餞陪雙旆方蘄歷
廣鄜始生山吏敬頗釋利塗遭會面辭何吐離膺事已填空
餘郡樓望野色際平煙

南康落星寺

祖無擇

金碧共玲瓏樓臺浩渺中雨花僧講盛星石寺基雄巖岫廬
峯對波瀾蠡澤通微紅看海日遠綠認江楓鷗鳥機心息潮

音梵唱同人間羣玉府

寺有太宗皇帝御製御書

物外廣寒宮雲衲蒸多

壞塵襟到自空扁舟五湖客長此伴支公

廬山瀑布

絕巘千尋勢飛泉萬疊痕寒光涵玉岫靈派析璇源峭壁河
流立蒼崖井浪翻猿悲經樹急龍駭落潭渾氣爽諸峯秀聲
和衆籟喧功成身退日期此灌中園

題仰山二十韻

維南斗牛下萬仞聳崔嵬日上光先占江盤勢卻迴一方蒙
雨露幾處對樓臺不逐秦鞭去曾經禹載來雲生峯慘淡冰
泮谷喧飀險外煙嵐變深中洞府開巖花春灼爍溪鳥暖毯
趨飛瀑含清籟乖龍走疾雷平川蕭廟闕半腹鄧壇摧精蘊
瑤瑰寶奇鍾杞梓材僧軒宜薜荔樵徑怯莓苔旁睨龍洲橘

西江志 卷一百二十九
前瞻庾嶺梅仙經饒地肺賦筆讓天台神物多靈貺農田少
旱災隱居須獨行吟咏亦難才何客能依止伊予敢語哉一
麾成繫滯四友阻遊陪未脫紅塵累徒嗟白髮催夢頻生枕
席賞每倒尊壘預恐瓜時代圖歸作醉媒

和題仰山二十韻

袁陟

客意正索寞詩筒江際來一聞清玉韻如見翠屏開磅礴霄
漢外騰凌鸞鳳迴仙源朝露蔽乳竇夜風飈九月已冰霰三
時無沴災徒均南畝澤應老鄧林材岌岌聳天柱巖巖尊國
台高名皆偶爾真賞豈然哉紫蓋敲松蔓青錢點石苔神虬
潛天矯皓鶴舞毳毼采藥蓄芝朮尋花有杏梅丹臺今窅窅
蒼壁古嵬嵬絕頂飛泉落半崖枯栢摧勢堪卑蔣霍名不假
劉雷釋子安生計幽人足隱媒雲中認旛刹溪上醉觥罍

戶方窮阮籃軒阻奉陪耳愁塵事入心怯歲華催已作五噫
咏元非三傑才先將丘壑意模寫寄春臺

寄致仕歐陽少師

曾鞏

四海文章伯三朝社稷臣功名垂竹帛風義動簪紳此道推
先覺諸儒出後塵忘機心皎皎樂善意諄諄大略才超古昌
言勇絕人抗懷輕紱冕瀝懇謝陶鈞耕稼歸莘野畝漁返渭
濱五年清興屬一日壯圖伸北闕恩知舊東宮命數新鸞鳳
開羽翼驥駉放精神曠達林中趣高閒物外身揮金延故老
置驛候嘉賓主當西湖月勾留潁水春露寒消鶴怨沙靜見
鷗馴酒熟誇浮蟻書成感獲麟激昂疏受晚冲澹赤松親龍
臥傾時望鴻冥聳士倫少休均逸豫獨徃異沈淪策畫咨詢
急儀刑矚想頻應須協龜筮更起爲生民

西江志 卷一百二十九
五老峯

孔武仲

峻壘起青峯森然五老翁雲將色共古天與壽無窮突兀巔
崖峭駢羅面勢雄三光同孕育四岳是兒童傑立層霄際曾
經壞劫中夢齡應可錫圖寫獻堯宮

白公草堂

達士因忘世非求高尚名林泉得佳處風物有餘清貝錦傷
讒舌浮雲寄宦情詩才今古備性理死生明蓮沼秋芳合香
山晚翠橫黃蘆繞官舍不復念青城

庾樓

孔平仲

高城枕浩渺層碧壓崔嵬路繞清陰上山分爽氣來天低風
動幕空迴月浮杯遠眼征帆盡涼襟細雨開行人望蓬島遊
客比春臺豈獨登臨勝扶傾不易才

鬱孤臺

蘇軾

八境見圖畫鬱孤如舊游山為翠浪湧水作玉虹流日麗崆
峒曉風酣章貢秋丹青未變葉鱗甲欲生洲嵐氣昏城樹灘
聲入市樓煙雲侵嶺路草木半炎州故國千峯外高臺十日
留他年三宿處準擬繫歸舟

鬱孤臺

自注再過虔州和前韻

吾生如寄耳嶺外亦閒游贛石三百里寒江尺五流楚山微
有霰越瘴久無秋望斷橫雲嶠翬飛咤雪洲曉鐘時出寺暮
鼓各鳴樓歸路迷千嶂勞生閱百州不隨猿鶴化甘作賈胡
留祇有貂裘在猶堪買釣舟

次韻贈陽行先

室空惟法喜心定有天游摩詰元無病須洹不入流苦嫌尋

直枉坐待寸田秋雖未麒麟閣已逃鸚鵡洲酒醒風動竹夢
斷月窺樓衆謂元德秀自稱陽道州拔葵終相魯辟穀會封
留用舍俱無礙飄然不繫舟

用前韻再和霍大夫

文字先生飲江山清獻游典刑傳父老尊俎繼風流度嶺逢
梅雨還家指麥秋自慙鴻鴈侶爭集稻梁洲野濶橫雙練城
堅聳百樓行看鳳尾詔卻下虎頭州君意已吳越我行無去
留歸途應食粥乞米使君舟

次韻毛君山房遣興

蘇轍

欲就陽崖暖新開石磴斜誰言太守宅自是野人家燕坐收
心鑑冥觀閱界沙退公長寂寞外物自喧譁缺徑移松補斜
陽種竹遮白雲生後礎孤鶩伴殘霞破悶時尋鶴呼眠亦任

鴉喜聞糟出甕屢問菊開花古井元依斗丹砂舊養芽虵蟬
頻上案猿狖巧分楂客到扁舟遠年侵兩鬢華心搖掛風旆
眼暗隔輕紗強撥橫肱睡來從插版衙隱居慙棄擲勝地每
咨嗟頑鈍終何取彫磨豈復加焦先夙所尚園舍恰如蝸

鄱陽湖四十韻

劉弇

巨浸連吳越高躔直斗牛元冥開別府江伯匯支流象緯元
精逼神姦秘怪哀番君䟽帶礪彭蠡壯襟喉赴隙如無地憑
孺忽有州津涯逾寫潤窟宅定剗幽島認瀛鼇戴濤疑陣馬
蒐珠跳憐雨駛鏡滑識風收樹帶喬枝隱山餘短碧浮窺覘
沒罔象睥睨怵陽侯漾月都迷皓蒸雲間作油涵濡均藻荇
冗長到鰕鰖蜃幻晴噓閣龍腥夜拔湫萬尋懸圃玉一帶洞
庭秋盈縮知誰紀吞并似力掣鯉矜封赤鯁龜笑斥朱眸嵌

竇扶桑齧珍文匠石鏤鷗羣馴野客翫肆傲潛蚪罟數筐零
霰檣輕弩激鏃孰分浮瓠蒞或訝繞蛇丘絃索延商婦解艤
送莫愁陶朱誠得策神禹想遺憂端稱潺湲弄非無隱伏搜
豆分高下渚葦視去來舟血脉乾坤活瘡痍稼穡瘳狝獨包
息壤瑣碎落浮漚蓮女嬋娟擢漁郎芣燥甌有人褰繡被無
客傲鸚裘貨貝窮乾沒醪羞肅丐求束枯論沃釜戒覆比傾
輶衆木杯盃外佗年吐納尤鵲填功未議鯨吸志應酬何事
輕思濟吾防果未周阡危心骨醉飄泊面顏羞敢計乘桴去
何知戴笠遊片帆真擾擾隻影轉悠悠卑濕嗟梁傅星霜挂
魏牟勞歌慙孺子破篋付平頭烏豉緣蓴置黃糗爲鱠謀清
螺取歸日穩權聽夷猶

妙覺寺

孫觀

老厭風波惡安閑且樂禪開簾延白日倚杖立蒼煙鳥散人
聲裏鐘殘客夢邊小蒲風葉偃薄槿露華鮮句好吟鬢斷權
餘落照偏人生但如此何處不翛然

游開先寺觀香爐瀑布諸峯讀李蘇二仙詩知廬阜之

勝在是記以十韻

王十朋

廬山何處好勝地有開先瀑布漱寒玉漱玉亭香爐生紫煙紫

霄長近日黃石不知年黃石岩鴈蕩靈湫合有兩瀑布豐城寶劍連

龜行似朝斗行龜峯鶴唳欲冲天鶴鳴峯馬尾只自洗馬尾峯牛頭

奚用穿牛頭巖雄詞惟太白妙句更蘇仙寺占星流處橋飛月

出邊碑方閱華藏山谷作開先華藏院記夢已到栖賢明日游三峽歸

心定決然

擬吉州解試秋風楚竹吟詩

楊萬里

西江志 卷一百二十九
客子正行日偏逢楚水秋一風來瑟瑟萬竹冷修修吹作清
霜骨聲酣古渡頭班林寒裂碧植節爽還幽亦復披襟快長
懷落照愁少陵詩思苦送別更冥搜

牛田舖大寒

萍鄉
境內

劉克莊

暝色蟠空起獰飈激地吹漸看雲布濩稍有霰紛披
飄瓦輕輕已點墀居人朝未覺客子夜先知巧似莊嚴就勻
如翦刻爲充庭冰氏喜縞戶淙人疑灑密苔緘遍擊多樹壓
垂高峯迷頂踵遠渡失津涯窘兔低蹲草僵禽默墮枝馬難
分牝牡烏不辨雄雌倏忽斜還整冥蒙合又離半埋官路埃
亂打寺廊碑猛勢欺袍絮寒光照鬢絲店荒敲盡閉橋滑步
尤危破釜羹霜菜殘爐燎濕其廢糝憐婦怯露骭笑兒癡乍
起毛皆蝟深藏手亦龜犬驚隣吠急鷄噤野鳴遲徧滿南轅

路翻思北戍時旌旗明鴈塞刁斗亂鷺池呵筆堪飛檄收燈
可覆碁暮營蒙虎臥曉獵臂鷹隨浴鐵成何事披蓑自一奇
空山吟忍凍窮巷齧充饑授簡悲才退烘衣感氣衰稍欣茅
瘴薄已覺麥畦滋病怕村茶冷愁嫌市酒醜帶間三十韻聊
補昔人遺

上九江唐舍人

王阮

江左承南渡潯陽控上流平時稱用武今日更防秋
模古三江險阨周高憑隆屏翰下瞰握襟喉呼吸聞吳楚封
置蠹斗牛循良渡虎跡神武射蛟遊勝事餘蓮社風光足庾
樓倚天開峻極倒影湛飛浮鼎敗香山往官清靖節休義門
十世美將業二王優頃歲承平久斯民習俗修究心依學校
服力事田疇獄淨苔荒砌山深麥挂丘共知忠義篤肯陷矯

西漢志 卷一百二十九
誣羞不料腥羶起能令日月幽雲屯滿赤縣天意卒鴻溝郡
邑生荆棘江湖識冕旒竟指形勢地聚作虎狼陬昔計何勝
辱羣生亦暫偷奇功思赫赫內治頗悠悠法令中間弊流移
不可留未經真撫卹旋已困虔劉對壘緣淮甸長蛇致
雷聲忽天狗旗尾又蚩尤隔岸幾杭葦孤城亦綴旂兵戈間
未耜戰艦奪松楸天下雖同擾江西故不侔宿師惟此地履
畝倍他州諸將紛紛是攸司日日培文符競旁午膏血罄誅
求戰鬪連年久瘡痍幾日瘳藥芽中作梗氣習遂成媮情動
穿墉鼠風行借父擾秉彛均物則失德自乾餼近世凡臨鎮
何人解撫柔帝爲輟近待人喜得賢侯父子文章偉君臣契
分投王言資潤色國是仗謀猶詩似丘傳鯉書如固續彪鳳
毛宜鸞鷲驥種自驊騮增重依蓮幕尤煩借箸籌折衝皆婉
畫賜履又分憂奕奕長江上源源數路頭若非煩柱石何以
鎮貔貅南土驚新事西清擁碧油春風回野色江月靜簾鈎
地借長城望塵清累世讐有生皆固結無士不冥搜立國須
才用聞公銳意收龍門如可上敢請與荀儔

次李信州七十韻

華岳

挺挺萬人傑堂堂間世賢胃中兵十萬足下客三千揚賦希
三歎坡詩和百篇錦囊華似袞綵筆大如椽隨陸縱橫舌良
平左右肩兩驂公子服四牡魯侯畋量潤滄溟岸胃蟠泰華
巔紅壇歌魯杏白社結陶蓮遣幣通秦好求姻託鄭綿匣藏
須虎兕冠飾待貂蟬標自龍頭奪書由鴈足傳不侯啗李廣
求使短張騫食客希毛遂茶僧集大顛詩材親子建字法邁
公權黃貉蒙金絡青駟勒寶韉伐燕欺騎劫聘魯慢韓穿周

西江志 卷一百二十九
室歌山甫齊人美仲連劔從豐水鑄碑向峴山鐫有頌褒唐
太無詩刺衛宣檄堪傳代郡節可仗居延聽訟踈淹禁豐財
剔冗員策從之反後鞭著祖生先孝有參而已忠如丘者焉
春冰同皎潔秋月共嬋娟冢宰當鈞軸將軍事橐捷干官視
標準萬國倚陶甄多士園冠帶諸侯執豆籩山期封泰岱石
擬勒燕然禹甸期環轍堯氓願受墨明堂歌赤紱清廟頌朱
絃臺閣皆三益盤盂記十愆片言能息訟隻手可旋乾公昔
嘗推轂吾今尚食餽聞雞效劉舞抱虎笑秦眠蘇子舌猶在
邊韶腹尚便牛衣懷白壁虎節誓青氈飲馬量淝水屯兵料
漢田鬢星飛汴洛血雨洒伊瀍伊五成湯就軻三孟母遷雲
鋤翻楚嶠月纜繫秦川甕有扶頭酒廚無縮項編詞源慚子
美詩社感庭堅水陸三千里炎涼二十年周田纔廢井秦陌

已開阡夜月琴三弄春風詩一聯自稱山宰相人號地神仙
扣馬罹三尺平戎授一編鼠投當忌器魚得偶忘筌避地思
無所滔天罪莫前梁鴻方北謫賈鵬已東旋孫隙難謀魏樊
誅莫救燕江天驅烏雀淮地迅鷹鷂日守媿訾分星流太白
躔瘡痍連四境煨燼極三邊淮浪夜翻雪邊塵晝起煙二陵
歸培塿百部半空卷自撫劉生几誰思祖逖鞭戍方興頡利
役莫止于闐宮昔嘗游泮扉今謾歎園豈知醫國手變作曲
池煎楚客弓雖失秦人璧幸全官途良可畏吏鞅敢辭胼世
變言難盡民頑令不悛一千新楮券三百舊銅錢駟馬涎流
地羣烏翼蔽天人心徒擾擾王道正平平衛女歌淇澳曹人
思下泉窮途惟自愧當路絕黃緣作俑宜無後追倖恐不前
詩成何太喜舞袖欲蹁躑

西江志 卷一百二十九
六言排律

遊麻姑山

朱彥

羽駕龍車舊宅金爐玉簡幽宮雙練亭前秋水七星杉下春
風蓮沼何年變白桃源幾度翻紅明月清陰居士星冠羽褐
髯翁一弄瑤池新曲夜寒風入霜松

西江志卷第一百二十九

西江志卷第一百三十一

藝文 詩十四

五言律

元

贈熊景山造崇仁蓮漏成歸金谿

吳澄

消長一壺水昇沉百刻籌範圍天用巧舟載地儀浮邑長政
如此國工神與謀四時常不忒春意滿皇州

豫章貢院即事奉和雲林提舉晚春閒居舊韻二首

客裏秋光好歸心不厭遲牆低孤塔見院靜一簾垂隔紙聞
風怒臨堦看日移宛然似三逕未負菊花期
晝日閒庭步秋雲萬里天眼前俱實際身外一虛船得意渾
忘老論交豈問年此中真樂在不要華山眠

送劉仲誠歸潯陽

程文海

不見匡山久，高人得飽看。遺民甘入社，中允竟辭官。南極光芒逼，東風紫翠寒。君歸煩訊問，五老近平安。

滕王閣應制

佩玉鳴鸞地，滕王說幾秋。人間空畫本，檻外自江流。共濟艱難業，傍招俊乂俦。太宗尤可念，千古有瀛洲。

饒州道上 二首

何中

新晴破積陰，淑氣泛行襟。千里山河眼，百年耆舊心。霞飛滄海遠，煙入綠村深。學劍江東者，茫茫不可尋。手春初歇杵，麥粥午香知。白酒村村薄，青山處處奇。天垂雙鶴遠，江渡一舟遲。楓合東吳綠，何人續楚辭。

白鷺洲

淡淡薰風喜，江明天影開。竹陰侵水碧，草色近人來。諸老心猶在，千年首獨回。非無李供奉，却久鳳凰臺。

和張提舉登永新興文閣 二首

劉詵

邂逅成千載，春風入鑄顏。功名驚破白，文采笑窺斑。絕港行滄海南，荒識泰山如何貞。觀治猶恨棄程關，醜好元無定。公心水鑒虛，風霆同氣化。椿菌自才殊，羸馬寒花外。新詩落木餘，百年真幾見。三歎獨躊躇。

和張提舉題安福州書閣

高才成政譜，美傳起儒林。禮樂乾坤重，文章日月臨。一官驚道屈，朞月見功深。珍重經行地，甘棠樹樹陰。

大德己亥予拜清退先生王道傳於貴溪之西昂有謝惠陶原集詩後三十有八年其諸孫天明至京師忽以

見示予覽之愧甚亟欲毀去恐乖久要之情且欲存以
爲少作之戒因再用前韻志感 二首 揭傒斯

三十八年中飄零西復東舊游渾似夢昔壯已成翁迹異心
猶在才疎氣謾雄偶然遺小作收拾愧諸公
竹洲雙澗裏野碧小亭東無復西昂路相從清退翁諸孫皆
俊茂平世老英雄深愧相知久無書繼子公

題祝道士龍虎山先天觀

聞說先天觀重重絕壁環鳥啼青澗裏花落白雲間樵子能
長嘯居人識大還洞門無處認惟有水潺湲

寄題永豐劉氏暖翠樓

孤亭萬竹中危坐自生風近與山光合遙連野氣通鳥啼深
不見泉響靜偏聰束帛休相污先生道未窮

送人歸豫章

積雨霽徂夏故人今日歸手持毛生檄身著萊公衣玉樹挂
秋月丹萸揚曉暉東湖徐孺子應怪久相違

送吳宗師弟歸鄱陽

愛兄初別楚念母忽辭燕家有神仙學人稱孝友全溪山雲
錦地宮闕紫微天相望無南北相思自歲年

寄題臨川西礧范氏寓居

蟾塘塘更西幽磴總堪題流水花間住孤禽竹裏啼石稜苔
自合山徑樹相齊久客成真隱故園應已迷

雪中同程漢翁程志可登盱江從姑山

新年殘雪裏孤石梵王祠拔地驚橫絕嵌空欲倒垂平田沿
上遠寒水望中遲試問南安錫飛來正幾時

北上登小孤山 至大元年

積雨西南下朝宗第一門憂勞思舜禹疏鑿正乾坤地束千帆側天扶一柱尊蛟龍深窟宅穩睡莫騰翻

南康夜泊聞廬阜鐘聲

廬山三百寺何處叩層雲宿鳥月中起歸人湖上聞入空應更迴近瀑正難分遙想諸僧定香爐上夕熏

送朱本初法師赴豫章玉隆宮 二首 柳貫

籍在丹臺上神行劍氣間天香輕冉冉雲珮靜珊珊便駕青鸞去應騎白鶴還名山九域記須爲刻孱顏

鎖蛟唯有柱墮鼠已無家想到真仙宅能回俗士車露壇春翦柏雲白夜敲茶人境今雙絕長吟採物華

聞臨江范德機以母喪哀毀而卒 二首

才名朝士右行義古人中正想招旌起何嗟掩袂窮山川還寂寞臺閣謾穹崇此世丹青筆吾今屬望空

服斬誰非子摧形不有身使能穿壙入果勝闕泉親突兀畱文冢淒涼卷釣緡夜臺開幕府還借筆如神

數日跋涉泥淖至北山始霽暮經鄱陽湖

范梈

川路遶長林歲窮千里心賈舟棲港迳樵火出村深欲雪應消瘴因風忽解陰轉移足清景難受客愁侵

送貢仲實還江西

送行何太頻日日見行人又復風霜節相違旅病身浮名非甚急遠意獨難伸念子關勞苦題詩莫待春

送白湛作尉金谿

西江志 卷一百三十一
離思已無極尊前况夕曛閉門六月雨行李萬重雲遠祿年
雖壯名家代不羣縣人迎主簿應似大浮君

觀玉隆宮所藏宋乾道宸翰雲壑二字 虞集

昔老雲歸壑天章自九重日華常映鳳山氣盡成龍俯仰遺
陳迹高深儼德容飄然化春雨結想在高松

寄答桂風子先生

深隱廬山裏題詩忽見存風高應跨虎月落更聽猿酒熟邀
皆去丹成笑不言雲屏第九疊相與浴晨暎

送張道士歸上清

白雲盱水上自古多仙人手攜綠玉杖頭戴白綸巾袖中出
風雨天上禮星辰歸來庭戶靜芳草自生春

題彭澤陶氏家譜

百甃在戶外五柳當門前燕去王謝宅人依墟裏煙迷德尚
千載人情猶昔年以安遺孫子高哉為世賢

江州社日阻風

傅若金

社日長為客行人總念羣湓江春過雨廬阜晚生雲春酒治
聾飲清絃送別聞風檣未得動堅坐且論文

星子鎮道中

王惲

北下星關道川開百里寬夢殘傾錦帽吟細緩征鞍土峽深
回洞山田壘醮壇一杯亭傳酒來為敵霜寒

遊麻姑萬松菴

貢師泰

積雨變秋思清遊愜道心過橋分履迹問寺逐鐘音紅墮鳥
爭果綠深魚占陰何當脫塵鞅重此契幽尋

泊隆興章江門

張翥

把酒西風裏挂帆南斗傍夕陽城角盡人影水中長問俗勞
羈旅干時儼俊良平生槎上意漂轉益難忘

穀匣

王禎

取制異困京初憑梓匠成虛中元有受正位乃無傾封鐫開
還瀉方層貯每盈家家能置此亦號小常平

水筒

剗竹作連筒流泉一脈通勢雖由上下用不限西東遠借居
人便常資沛澤功伊誰憑好手扶起臥龍公

過烏山鋪

伯顏子中

溪流霜後淺野燒曉來明古路無人跡空山有驛名衾寒知
夜永柝響覺風生苦被浮名誤栖栖復此行

建昌胡氏小有樓

陳旅

窈窕麻姑宅登臨憶謝公近聞好山色都在小樓中屋曙丹
霞吐城深翠雨通石池正當戶人立藕花風

送李伯實下第還江西

余闕

之子不得意南行無怨辭官河人杳杳客路雨絲絲古木淮
陰市春城孺子祠悽然千里別爲賦小星詩

畬寇二首

劉堦

未死身何寄謀生計轉沉從渠天地闊奈此雪霜深歷歷平
生事悠悠永夜心不眠何限感涼月半窗陰
往事盡陳迹幾年無好懷日沉蛇虺出風急雁鴻哀尚壯鬢
先雪多愁心未灰何山雲色動豪氣酒邊回

寧都旅邸遇李德純

判袂城東路郵亭柳屢新雲邊飛馭遠夢裏得書頻秋色金

精曉光風玉樹春相逢如有約醉倒臥樓人

遊麻姑山

黃鎮成

絕巘寒聲淺陰堂翠色交
蹋書摩蘚石炊黍拾煙梢
瀑落投龍洞雲歸傍鶴巢
未能招我隱何用解人嘲

鉛山早行

早起辭林館鄰雞已再鳴
月絃當戶直斗柄插山高
細濕侵藜杖輕寒襲布袍
前趨東日上五色動雲濤

泊舟老鶴嘴

在九江

楊奐

袞袞風生背涓涓月印沙
船頭平壓浪擢尾旋成花
老去長為客愁來轉憶家
雙棲疎影裏羨殺柳橋鴉

次韻玉琊雲隱圖

并序

趙訪

番陽王本善故居懷玉山之北號曰玉琊雲隱鄉先達進

士董公為之記和陽王使君為之賦又得星源韓徵君為之圖余嘗過本善所寓見其淨埽一室琴書圖畫與弓劍雜前培桂植菊怪石纖蒲幽潔可愛蓋能審已推分隨所寓而安視竄名尺籍而有所顧願者不同科也乃次使君韻附於卷末以釋其幽思云

馬上劍三尺山中雲半間
無人尋草迹有虎臥柴關
解甲端俾後懸弓定地還
胡為思舊隱畢竟復誰閒

舟次峽江

郭鈺

江上晚晴好臨行復檣舟
雨龍歸大秀水鳥度巴丘
公瑾人中傑子真方外遊
時危論出處吾道莽悠悠

題周瑜廟

在峽江

雄姿不可見遺廟俯江干
簫鼓龍祠近旌麾虎落殘
樹勳先

葛亮定霸走曹瞞獨恨三分後無人憶漢官

送方大道之安仁縣教諭

錢惟善

仕途惟有此送爾欲彈冠百里安仁縣三年分教官日新桐
子業春在杏花壇去去望彭澤冥鴻響夜闌

賦孺子亭

丁復

東漢久無國南州猶有亭虛楹過日白老樹入湖青歲晚送
僧去天寒行獨經搔頭雙檜側余髮故星星

宿蠡口

華幼武

春風吹短櫂迤邐望歸程刁斗溪邊戍旌旗野外營市橋人
迹少官路馬蹄輕欲向東湖去邊烽永夜明

石砬

艾申

突兀倚蒼穹誰云巧妙工滴油巖已竭神運廩常空人入嵌

空裏春歸杖履中一翁何處在孤塔凜高風

送介翁兄自揚州還南城

羅公升

聲滿對松縣功成浮海船去隨騎鶴侶歸訪擘麟仙馬首吟
情溢鴛屏別夢牽相思不憚暑計日話燈前

江州寒食

旅食逢寒食風聲佐雨聲野墳猶有主客舍若爲情家近心
逾切囊空眼便生廬山如不過此去信無名

題信州先天觀圖二首

楊載

高林褰翠氣虛谷散虹光道士多騎虎仙人自牧羊澗泉通
地遠山嶺際天長戴子文爲記流傳示不忘
四圍山不斷狀若碧芙蓉谷遠含風細崖深下露濃茂林藏
虎豹陰洞伏蛟龍恍惚神人降浮空羽蓋重

勝禪人遊廬山

釋白雲

飄然廬岳去破衲共枯藤此地山林勝令人肌骨清蓮開千
柄雪瀑挂一條冰五老如相見煩君為寄聲

佛智歸仰山

釋大訢

蚤發扶輿拜燈明愛白頭故鄉元自好游子獨淹留壯業真
何用孤懷未忍休始終存衆望不敢畏離憂

次韻奉答吳可堂左丞致政寓九江見貽

晚節陶元亮平生賀季真雞豚粟里社賓客午橋春風物三
生夢功名百歲身種蓮毋負約金地不生塵

五言排律

奉送全平章赴任江西

揭傒斯

聖主思南土明公起集賢直期凋瘵後共致太平年金虎分

符重文龍賜服鮮權綱兼將相標格近神仙天地三綱外星
辰北極邊丹心齊出處素志在陶甄請述江南事都非大德
前但微扶弱美竟坐抑強偏無復同憂樂徒令舞智權疇疇
吹渤澥暗室伏戈鋌貪黷明相訓忠良默自憐民心隨日壞
世態與時遷况復兵饑接仍聞疫癘纏誅求殊未已蝨賊轉
相挺若擬寬憂顧先須解倒懸久饑寧擇食多病但求痊一
語堪懲勸微機足轉旋已知平似水更道直於弦遙想聞公
至渾如望歲然九重天上別百丈霧中牽日月明金節山河
入畫船四方初息馬五月正鳴蟬豐樂田多稔生香灑有蓮
岱宗標魯地廬嶽壓湖天水怪收崩浪山靈拂瘴煙歡呼麟
鳳出踊躍吏民先笳鼓趨雄鎮旌旗覆廣川下車和氣溢袖
手頌聲延膏雨侵淮甸仁風扇海堧忠貞真世篤調燮有家

傳赤子皆同體蒼生且息肩龔黃須警策方名在蕃宣

桃源圖 并序

江左龍虎山南十里有桃源者劉王二尊師所闢也臨江
范亨父為之記予為賦五言詩十七韻

桃源非一處龍虎畫難同內外關踰鐵高低石作叢黃旛青
劍北紫蓋白雲東蟾影當霄迴蛾眉抱月弓六峰名千重藏曲
折四面削虛空地戶吟風黑天池浴日紅雪霜翻濺瀑雷雨
瀉崩洪暗識猿啼遠晴聞鳥語工危龕三井祕絕澗九橋通
江合仙崖怒山連鬼谷雄劉王開闢後秦晉有無中時見看
桃侶頻逢采藥翁丹臺寒漠漠琳宇氣熊熊濟勝非無具緣
源恐莫窮煙霞俄變滅草樹杳龍蔥四序何勞誌羣愚倘擊
蒙誰言武陵近十里上清宮

皮氏逸亭

何中

地僻藏吾逸隨宜託數椽池新何許水楓壽不知年竹讓前
林日花歸隔浦天綵鱗孤鏡照幽哢四窗圓曲几清時裏閒
心太古前入因添曉起出每及宵眠句得思仙寄棋高許客
傳乾坤餘蠹簡勲業老觥船智有過榮計先求勝祖鞭太章
短東極夸父恨虞淵世共稱工者吾知付莞然他時者舊傳
應指某公賢

黃體元別業因梁為亭范德機榜玉壺冰揭曼碩賦古
律余賦今律十韻

何處來奇璞雕鏤締構工置之孤嶼外渺在十洲中石色搖
晴雪林輝貫夜虹貪寒龍伯到愛潔鶴仙同拂席柳陰綠繡
書花影紅盃增瑪瑙瑩簾訝水晶空可倩凌人守休令喝子

通凝神塵自遠比德日應崇橘窄堪容隱
蔚宗輩好為傳壺公

送孔惟中再謁祖林

惟中予同郡三孔之後也

傳若金

吾郡稱文物君家續聖賢
尼山懸日月楚樹隔雲煙
追遠逢昭代遊方及盛年
北通三仲譜南下九江船
雁起垂綸外鷗飛解纜前
水涼聞雨坐沙暝望星眠
岱嶽遙臨海河流遠自天路
詢洙泗境人指鄆謹田日
觀朝暉接風雲暮色連闕宮
俱寂寂闕里獨綿綿翠合知
林墓翬飛識廟壘趨庭槐氣潤
拜下柏陰圓科斗殘書帙旋
蟲壞樂縣圖稽始祖出世別
小宗傳遠近論昭穆尊卑齒
後先杖裁楷木淨冠截檜皮
堅舊俗聞詩禮遺儀見豆邊
玉傾當別酒珠寫贈行篇
古道嗟環轍長途勸著鞭
京師同逆旅瀛海阻飛仙
賦或君王問貧應

故舊憐苦吟冰合硯危坐雪侵氈
魚目從人貴蛾眉祇自妍
猶懷薛氏劍未絕伯牙絃
卒業思歸魯離羣遽發燕
霜蹄終奮迅風翼暫迴旋
文憶來時把詩要去日聯綠
蕪羈思滿青柳別愁牽為客
慚烏鳥因君感杜鵑
兗城多驛使頻寄彩雲箋

送彭叔璵歸臨川却之尼山山長

毓聖由天縱鍾祥紀地靈
文開周宇宙神照魯郊垆
泗水煙中白尼山日下青
古祠留草創遺躅接音形
綿蕞來諸子營蕭享二丁
祭田侵後廢植木亂中零
嗣續仍詩禮衣冠足典刑
麒麟思繫紱科斗慨遺經
建學謀官守推賢慎委令
百年興曠典一語動明廷
有客真英選多才更妙齡
每開鳴匣劍羞對讀書螢
北極憑元氣中台會德星
骨收燕市馬甘薦楚

西江志 卷一百三十一
江萍紫電纏蛟沫清霜整鶴翎久疑淪浩蕩忽作附青冥被
命鄰陬邑從人訪孔庭高堂須定省歸路正伶仃里父窺蘿
逕家人候竹扃壺觴春灑灑燈火曙熒熒還舍雖云樂之官
不可停雲高瞻泰岳樹盡見滄溟驥服長驅阪牛刀始發矧
宮墻上日建絃誦坐時聽歲月登倉庾春秋具鼎錮市通槐
下道壇築杏陰亭銀漢侵題榜丹青映勒銘育才須杞梓醫
國備參苓木鐸流聲教染盛著德馨乾坤吾道在常使萬邦
寧

寄題番易周子震金潭山居

大氣生磅礴立功接杳冥江開吳楚白山直斗牛青玉牒呈
天祕金陂泄地靈百盤工取勢千疊互殊形石吐高低筍峰
羅大小屏忽如森隊仗復似倚娉婷六六移諸洞三三映列

星靜宜營道室幽或下仙駟客有依文物兒皆尚典刑卜藏
思買宅佩訓謹趨庭娛老心能遠登高步每停艱難成宿志
窀穸慰千齡雨潦供漂木神祇助薦牲史留徐穉傳碑勒蔡
邕銘碧水通銀漢蒼霞護石扃暝迷中谷路晴見隔溪亭鳳
穴含飛旭龍湫蓄震霆倚廬浮晻靄行徑俯清泠鸞鶴軒羣
岫龜蛇汎遠汀陰陽相抱負存沒總安寧種竹期成實栽松
擬茯苓久居鄰吠息清誦野猿聽夜燭吹藜杖朝饗啜土銅
馬卿能作賦韋氏舊傳經伯仲翔鵬鷲東西念鶴鴿辟雍初
識面京國共漂萍磊落珠藏櫝光芒刃發矧即看培業遠誰
得限修翎何日過彭蠡從君載醪鄗遂求靈運屐一往眺林
垌

送楊翼之還清江

西江志 卷一百三十一
同郡晚相得還家君獨先艱難萬感集離別衆愁牽盜賊凶
荒後干戈餉餽前故園思縮地行路歎登天郡國方收馬江
湖總稅船遂嫌居鬱鬱竟作去翩翩芝嶺寧忘世桃源似欲
仙游鯤輕萬里歸鶴異千年已謝蘇秦印無論祖逖鞭道瞻
匡阜兩山背薊門煙遠色芙蓉浦濃香穉田藏書猶有壁
坐客豈無甑我亦懷三釜誰能乞一錢將詩不敢寄多是斷
腸篇

題方叔高水齋

種樹千章合開軒四面臨徑微通窈窕簷迴起蕭森風雨行
春氣雲霄落午陰碧從修竹間青任古苔侵養鶴幽時下垂
猿密處吟都因結構好逾覺往來深花發明開卷藤懸拂挂
琴閉門惟淨石倚杖即深林寥闊天涯夢逍遙歲莫心歸舟
過彭蠡思爾定相尋

圍田

王禎

度地置圍田相將水陸全萬夫興力役千頃入周旋俯納環
池地穹懸覆幕天中藏仙洞祕外遶月宮圓蟠亘參淮甸紆
回際海孺官民皆紀號遠近不相緣守望將同井寬平却類
川隰桑宜葉沃隄柳要根駢交往無多逕高居各一廛偶因
成土著元不畏民編生業團鄉社囂塵隔市廛溝渠通灌溉
塍埂互連延俱樂耕耘便猶防水旱偏翻車能沃槁穰窳可
抽泉擁綠秧鋤後均黃刈穫前總治新稅籍素表屢豐年黍
稌及億秭倉箱累萬千折償依市直輸納帶逋懸歲計仍餘
羨牙商許懋遷補添他郡食販入外江船課最司農績治優
都水權富民茲有要陸海豈無邊祈奏載芟詠報歌良耜篇

西江志 卷一百三十一
降穰今若此蒙利敢安然壤土常增築風濤每慮穿積儲趨
日用防範廢宵眠擊鼓供惟急苦廬守獨專本爲憑禦護或
未免災愆誰念農工苦惟知粒食鮮并將農譜事編紀作詩
傳

送鄧侍郎歸江西

宋 无

中國衣冠盡孤臣蹈海迴秦思魯連操漢憶賈生才天遠文
星隱江平晝鷁催人尋芳草去雁到故鄉來山色催行櫂波
聲送客杯身還蘇武節夢泣李陵臺水落蛟龍縮城空鼓角
哀蒼梧雲浩蕩黃屋浪崔嵬夜雨江籬濕春風杜若開祇令
少微動慎莫應三台

送陳行之之信州推官

漢守曾懸榻家聲復世綸贊廉推雅士列郡重嘉賓昭代詳

刑讞賢僚體聖仁袴襦憐故老狴犴念冤人英幹登時望文
華異等倫固宜膺寵渥豈但活罷民江左名藩舊風流佐幕
新平反須有頌剛決看如神郝鑿初榮養黃香早締媼錦還
鄉已畫綵戲室俄春自補尋山屐誰親墊雨中拊循恩易洽
煦嫗俗當淳曲動陽關疊尊移祖帳陳未能忘手握何得更
情親羨爾丹青貴悲余白髮貧尚期金鼎藥猶容素衣塵巖
壑將幽賞煙霞欲隱淪交游千古事離別百年身楚澤寒多
雁吳波暖見鱗相思不相見音問莫辭頻

南山詩

山在龍虎山南張宗師藏劍鳥之地曰丹丘有
小洞門玉津澗月橋天鑑池金砂井躍泉漱

雲亭山雲閣丹
桂鵑桃花源云

陳 旅

江左羣山圍仙丘倚太霞上清分亢爽南谷抱豁訶臺觀黃
瓊宅林巒赤虎家天池開寶鑑日并射金砂桂實秋巖粟桃

西江志 卷一百三十一
古
烘曉岸葩泉香通美竹雲液漱靈芽俯澗松偏潤緣崖逕自
斜幽亭宜水繞晴閣受嵐遮神鳥丹扃祕元關紫氣賒石橋
留月色銀浦渺皇華願解延陵劍終乘博望槎臨風一邂逅
食我棗如瓜

述懷送觀空海歸臨川七十韻

釋大訢

幼慕空門貴高蹤世可遺功名輕閱閱塵土豈磷礪澄觀難
居俗湯休不廢詩三生猶有習四海豈無師身去江湖遠山
空雷雨垂諸方驚老宿同舍走羣兒素昧平生願居然會面
期解牛須肯縈相馬必權奇壯業期軒輊新功日倍蓰氣豪
空虎穴戰勝失魚麗五載靈谿寺千章白雪詞清遊忘旦暮
物論不瑕疵奎畫前朝祕清霜古佛規巖空狐有塔山古寺
無基松燎供宵讀芹香助午炊凍泥蛙似蟹春雨菌如芝遠

客愁獷狽村童抱鹿麋雲藏吳猛廟雷護柳公碑物色紛難
數雄材應接疲願終盤谷隱恥事北山移未覺歡娛盡深蒙
造物私寒巖徒刻畫元氣忽淋漓共喜師門盛何嗟友道睽
青山吳甸沒白水楚天涯落日三年望浮雲兩地思驛書勞
白鴈貞信卜元龜果爾期雞黍同心感鐵鎡羣公來雜遝餘
子去委蛇風日矜神駿雲霄刷羽儀古今存道統師友得綱
維今代誰潛子宗門一器之聯芳端不忝清要合如斯自許
奔流象何知測海蠡芟夷開樸檝洗滌脫瘡痍弔古多閒暇
登臨甚忸怩山河秦百二宮闕漢罍愚黃壤侵銅狄春風動
兔葵林蘇俱異物標畫不同時志大交難合歌長聲愈悲近
人山擁座照席月臨池正擬追金玉方將脫馬羈不才還涉
世中道遂分岐相失嗟狼狽無謀哂鷓鴣交情淡於水真味

西江志 卷一百三十一
美如飴衣綻寒分絮囊空遠貸貲鵠原兄弟急犴獄簡書疑
仁者應無敵將軍自數奇波濤孤梗汎風雨一巢危亡命憐
張儉逃生愧范睢百年俱繾綣千里許驅馳誓欲同生死那
能顧渴飢推恩豈望報菲德竟何爲吾道縣孤注叢林失一
夔老師甘屏棄弟子頌期頤逝水歸東壑流光及崦嵫空餘
匠石斲誰善宰夫膈行獨招羣忌名高得謗隨長鳴悲病鶴
老氣臥孤羆入室猶橫榻承顏或奉匱樓孤金驛遠河直玉
繩歎未厭從師樂其如念母慈江雲連擺柳山雪溼茅茨短
世驚炊黍成功竹覆碁何曾犀首貴空作虎頭癡白日真成
去青春有別離風煙辭北固江漢抱南箕浪穩饒蛟睡天長
白鳥遲鄉關迷遠近雲樹暗參差幸喜收蠻獠於今靜鼓鼙
詩成須數寄清響播墳簞

明

送院判俞子茂進兵鄱陽

汪廣洋

江東風日晴把酒送君行好慰三千士將收七十城煙花摧
疊鼓雲騎擁連營山國人爭喜殊方自此清

都昌懷舊隱

魏觀

江露仍爲雨山花故作容秋風餘鼠雀寒水落魚龍慷慨心
雖壯羈棲力已慵白雲蒹浦上悵望最高峰

笑臨川公

高啓

身用已時危衰殘况病欺竟成黃犬歎莫遂白鷗期東閣圖
書散西園草露衰卒因奠江上應負十年知

大孤山次舉善茂才韻

王沂

聞說揚瀾好春舟更一灣江豚乘水上野鷗落雲間勝景疑

三島靈祠俯萬山若逢王子晉笙鶴定相攀

謁蘇雲卿祠

古道風沙際荒祠草樹間崇文今日盛辟世幾時還薄宦真
餘事虛言頗厚顏翻思徐孺子清節照湖山

過臨江訪彭聲之

金鳳洲邊路維舟重憶君江虛秋氣入沙淨曙光分斷鴈前
汀起鳴鐘隔岸聞因過鑑池上詩思亂愁雲

快閣春望次王子啓

劉崧

使者徵兵去居民避地回南風猶鼓角北岸自樓臺白水晴
雲動青山暮雨來百年舊城郭臨眺獨興哀

玉華山

翠巘千峰合丹崖一徑通樓臺上雲氣草木動天風野曠行

人外江平落雁中傷心俯城郭烟雨正冥濛

同贛州廣文王子所遊江東廟

朱善

廟居形勢地歷代著勲勞匣貯南唐硯衣存大宋袍庭椿經
歲久嶺樹拂雲高此日同登覽儒先飲俊髦

舟行呈戴先生行可區子正郎

南浦趨橫浦舟行十日程衆星皆北拱二老獨南征野色茫
無際江流遠有聲心閒機事息鷗鷺不須驚

題呂仲善營丘山房

危素

太岳流芳裔何年徙贛州殊勲思尚父作室表營丘故國兵
戈後空山草木秋穆陵關北路風雪近曾遊

錢唐贈黃子中還江西

王禕

逆旅暫攜手東風拂面塵乾坤戎馬日江海別離人歸路鄙

陽外羈愁浙水濱歸哉倍珍重行勿負蒲輪

過彭澤

解縉

青山圍一縣隱隱見人家亂石江邊出孤帆帶日斜翠添官舍柳香泛驛樓花不見陶彭澤湓城起暮鴉

廬山

扁舟過彭蠡遠遠見匡山巨石危將墮陰雲去復還平鋪三百里高出九霄間久在風塵際覽觀心自閒

清江晚眺

清江臨望處一一見鄉山玉筍浮雲去金川夕照殘維舟訪舊隱飛鳥倦初還歸到仁山下漁樵日日閒

經湖口縣

劉永之

古縣開湖口高檣集岸隈山從廬阜起江向武昌來近水皆

楊柳荒城半草萊客心元自速更遣曉風催

四月東湖泛舟

王恭

落日東湖裏相攜看綵舟澄明怜水物浩蕩狎沙鷗載妓從歌舞飛觴任去留綠荷深處月流影上滄洲

經鄱陽舟中作

揚帆渡彭蠡雲樹曉冥冥潮到潯陽白山連建業青乾坤隨去鳥江海任流萍回首鄉林遠歸鴻不可聽

章江門阻風

劉秩

倚篷看月色欹枕聽江聲京國功名念鄉關離別情酒家孤犬吠漁舫一燈明明日風濤息扁舟別楚城

臘月三日次康山廟阻風

陳謨

風滑不成雪雨寒徒滯舟湖低山石長天盡水煙浮漁子身

如葉將軍命賭侯報功存廟食白骨謾成丘

過九江

韓守益

夷險休渝節勤勞莫問家暮船維柳樹春水泛桃花廬阜依
霄漢江州對渚沙多情白司馬曾此賦琵琶

龍仙寺

有序

梁蘭

古傳寺鐘與龍鬪田中鐘不能勝穴地而逃止於青原白
鷺之間其穴至今尚存徑三尺許泉水湧出人言其無底
焉寺以此得名

古寺名空在依山只數椽鐘逃猶有穴龍去已成仙古礎埋
春草迴塘落澗泉諸僧離亂後頭髮也垂肩

樵舍

蕭岐

樵舍臨江澣人家水遶堤葦籬通徑小茅屋接簷低稅重魚

難得情深酒自攜維舟風色好留滯夕陽西

鄱湖

魯修

湖水霜前落漁人動作羣洲平沙草在山散夕陽分剝落番
君廟荒涼陶母墳行舟與過雁萬古自紛紛

送戴仲章歸鄱城

不作留君計家山盡甲兵無言隨物態有淚落交情市酒猶
連肆湖魚早入城密詢向處士白髮爲誰生

望武山佑仙觀

周是修

天上神仙府人間道德門水分千澗遠山拱一州尊松鶴心
寒暑雷龍警旦昏何時登絕頂瀟灑望乾坤

題新淦姚氏挹清軒

金幼孜

閉門罕人事清意有誰知山色同朝暮泉聲自四時絃琴堪

對酒拄笏好題詩為寫山林趣悠然動客思

題南康馬教授匡山書屋

匡山渺何許結屋在雲邊泉響通書幌嵐光照簡編
獖聽夜誦林鶴伴朝絃奮步追高躅明當繼昔賢

送陳生歸吉水赤岸

李昌祺

清砧兼落葉總是別離情去路千程遠歸舟一葉輕
秋雲連樹暗寒日映川明亦有滄浪興何時共濯纓

金牛坡

胡儼

昔自五丁鑿今看臨白雲落花紅點點芳草綠紛紛
函谷虛陰勒華陽空彩文仙家多變化種玉不耕耘

棲霞谷

林壑煙霏斂朝霞五色新未迎初旦日長有四時
春絳闕存

丹氣黃庭養谷神仙經聞甚祕稽首九華真

九華真妃云餐霞之經甚秘

豫章十景之四

高士去已久清風不可攀惟留數株柳長伴翠煙閒
陰連芳草碧色映古苔斑塵榻無人掃鳧鷖自往還

徐亭煙樹

湖上蘇公圃青青春雨餘何須抱甕灌自可帶經鋤
獨客生涯足故人音問疎如何松逕裏今日有來車

蘇圃春蔬

聞有古仙客紫髯九尺軀浴丹洪崖井脫屣白玉壺
碧蘚春陰合寒泉夜月孤不知千載後還飲雪精無

洪崖丹井

龍堆截復環隱映夕陽間落霞迷翠渚霽雪對青山
津晚人爭渡林寒鳥獨還漁翁收網去幾箇釣舟閒

龍沙夕照

遊白鹿洞詩二首并序

閏七月二十日舟抵南康風阻明日偕正安侍講汝申僉

西江志 卷一百三十一
憲廣文譚原福司訓黃楚章國子生蒲詢同爲白鹿之游
訪昔賢之遺踪挹流風於百世俯仰之際不勝慨然諸公
翦茅荆穢同薦芳酌退就風泉雲壑之間觴詠而還暢一
時之雅懷酬平生之夙志遂賦短述以紀勝遊

騎從金笳發肩輿畫戟開路穿芳草逕山倚白雲隈秋色淨
如洗晴嵐翠作堆昔賢遺教在尋訪洞中來
路入匡山裏遙遙五老峰緣崖披綠草涉澗轉蒼松野果堪
時落嵐烟積處濃平生林壑興今日得從容

雨中發彭澤驛詩

江平風不起一棹泝中流坐對桃花雨行逢杜若洲老方知
靜樂病豈爲身謀不見陶元亮閒情付狎鷗

送胡宗訓赴新淦司訓

二首

周忱

江海十年別相逢在日邊喜承從事檄歸坐廣文壇彭蠡滄
波遠鍾陵碧樹連官閒近桑梓此去若登仙

鼓角重城啓雙輪發薊門行程孤劍遠舊業一經存酌酒辭
知已緘書達故園承家慕安定師道若爲尊

匡廬舟中偶題

周敘

水驛匡山外停舟對落暉烟雲千嶂合風雨半江分過客悲
卿袞居民頌使君不堪懷鹿洞那處振斯文

游從姑山

何文淵

岸闊人家遠天高樹影微龍藏通海井雁落釣魚磯石徑蒼
苔滑春園紫蕨肥欲知方外事此處問禪機

遊麻姑山

山連廬阜遠水接玉壺深顏字碑猶在詩僧墓可尋桃開千

樹錦松落半崖陰臺殿聞清響仙人奏綺琴

阻雨泊市汊

王直

風雨淹行客滄江起白波心隨歸鴈去目送亂帆過蹇步乃
如此高情其奈何會須搏八翼未敢嘆蹉跎

過江西河泊所

河泊雖卑散身閑似列仙公庭依水市官稅在漁船醉酒聊
同俗烹鮮豈論錢人生行樂爾安用大名傳

滄洲二首

贛水緣南趾文溪繞北涯分流通曲渚匯合漲平沙豈但干
頭橘還宜五色瓜人生貴自適老至欲移家
江艇浮文鷁溪橋架彩虹路通林影外人度水光中椒裹臙
脂實葵分翡翠叢得錢即沽酒沾溉及鄰翁

東林石笋

蕭儀

雙雙尖石笋借問是誰栽歲久難成竹春深只長苔每疑因
地瘠不見出雲來千古東林下紛紛歷劫灰

望湖亭

移舟泊吳城却上望湖亭水落波濤靜天垂地勢平晴沙山
際白烟樹島邊青頗怪題詩處坡公獨擅名

城山曉月

黎近

荒雞初戒曉殘月在簷峰未動高樓角先催遠寺鐘川光看
欲淡樹色遠還濃頃刻紅輪出青山翠萬重

遊麻姑

山中別有天犬吠白雲邊偶共龍頭客來參鶴背仙雨添春
藥水風颺煮茶煙欲問麻姑訊蓬萊路幾千

西壩草堂為廬陵宋內翰賦

黎擴

聞說西谿上春風小院開野蠶成繭盡江燕引雛迴竹裏園
棊局荷香沁酒杯晚涼疎雨過隨意步蒼苔

送人還盱江

新涼生白苧游子倍悽然客思秋砧外鄉心旅鴈前西風千
里道斜月五更船亦有還家夢隨君到汝川

題菜贈永新黃知縣

劉定之

大尹持廉操琴堂後種蔬霜根藏擁腫雨葉出扶疎未芼龍
頭鼎先揮鴉觜鋤食他自有趣豈必羨熊魚

折桂寺

楊廉

境豈浮屠勝東南秀此峰澗流千丈瀑崖長萬年松少室留
蒼鹿番君見小龍布鞵從此製雲嶠寄遐蹤

南村別墅為饒松坡題

羅倫

吾愛南村好頻過處士家白雲留客住濁酒隔牆賒陰壑藏
春雪清溪洗暮霞自今來往慣薇蕨早生芽

和南海布衣林緝熙遊玉笥山

野仙臨玉笥引袖拂天星侍立雙童小看山隻眼明洞雲含
雨潤鶴夢帶煙醒自嘆羅浮客春杯溢四溟

小蓬萊

引袖拂蓬萊飛雲九曲臺火當三殿去山送七星來洞府春
如海秋空夜不埃白衣如邂逅沉醉菊花杯

夜宿胡氏梅竹軒九韶季恒在焉

吳與弼

梅竹幽棲處良朋偶盍簪留連清夜飲俛仰暮年心明日又
南北轉頭成古今平生江海夢偏向舊游深

宿南湖觴

共喜西風好何嫌夜柁勞更闌雨脚斷雲薄月華高慰勞頻
分果丁寧穩著篙鄰舟燈火近棹纜向江臯

登擬峴臺

城據東南勝臺分襄楚名人煙縈近市竹樹雜長汀愁逐登
臨散神因眺望清窮通看萬物未易達浮生

長春軒為清江劉先生題

羅玘

竹密年年筍林多日日花天應憐老景春且住貧家鄒氏律
吹谷建溪鼓喊茶終須窺造化不似此生涯

夜發蕭灘

徐問

驛小臨官道沙長帶水城山於雲處沒星過渡邊明瑣瑣非
初志營營慨此生北堂凝望遠秋日萬重情

南康道中

王烈

歸路梅關北歸心鰲浦邊路遙頻問驛步澀只思船冬至將
春候南風欲雪天官梅還識我相對笑華顛

落星寺

董時望

廬阜風烟會波光入望幽一拳擎寺出萬里枕江流昔訝天
星落今知地骨浮神京更迢遞不盡思悠悠

彭蠡

徐禎卿

茫茫彭蠡口隱隱鄱陽岑地涌三辰動江連九派深揚舲武
昌客興發豫章吟不見垂綸叟煙波空我心

過小孤山

張適

江行已十日始至小孤山東下方千里西來第一關穿巖祠
廟險躡石鸛鷄閒賴有人成市篙翁得酒還

上十八灘

王思

春雨欲平岸灘灘無急流傳聞常畏險坐看欲消憂豈意驅
馳地仍爲汗漫遊鬱孤臺突起疑是望鄉樓

與謝寶慶擬登匡山至九江阻雨和韻 李東陽

瀑布懸青壁香爐出紫林謫仙千古句謝朓一生心野樹連
天暝春江拍岸深我來茲郡晚風雨罷登臨

弋陽雨晴

暑伏秋先至天陰日易低沙痕平草樹雨脚見虹霓席坐擁
書滿船更聽鼓齊葛溪三百里川路隔東西

廣信道中

旅泊逢初雁山城昨夜秋雨深南澗水風急上灘舟取捷非
無地垂堂且自謀江湖迂拙甚吾得及安流

發南昌宿東湖口

落日豫章城歸帆第幾程草中南浦色樹裏北禽聲旅宿依
津處郵籤報客名東湖不可度風雨坐天明

安仁道中

夏良勝

暝色依依暮長溪舟自行草汀迎迥碧桃岸照殘明散帙忘
吾事題囊仗此生北山如在望春夢更多情

登清獻堂

聞道西安老知君不有家官衙惟飲水世事等搏沙保愛留
棠樹侯王學種瓜雙江流不盡空拜浪頭花

早發新昌

夏寅

又出宜豐路長林過幾家圓橙秋晚實香稻午時花細草眠
黃犢清江點黑鴉行吟記吾迹真不異搏沙

遊麻姑山

邵寶

亭依青嶂曲路出綠蘿間
泉聽雲中珮峰看霧裏鬟
風煙初曠遠花鳥各幽閑
落盡西林日遊人始擬還

次萍鄉

歐陽鐸

明發宣風館秋陰得氣饒
雲昏山欲斷泥濘路偏遙
近縣峰頭塔橫江屋底橋
舊時銅漏刻強半土中焦

十日發安成漏下二刻至
分宜蕭尹告以築城之難
先予月下渡江一曾經目
料其水患信然

隔河山似壁到縣水如槽
亂石防危岸長簷繫小舸
鼓更龍窟近燈火虎峰高
樓櫓千年地誰知作者勞

野翁亭

戴珊

白首耽儒術逃名自野居
浮雲看富貴醇酒戀樵漁
西澗孤

松月南陽一草廬樊籠何日脫
雅趣共琴書

落星寺別蔣南泠

王溱

別意隨流水迴船過落星
湖光侵寺碧山色入簾青
鷗鷺馴沙岸魚龍駭石汀
虛堂歸興渺烟浪晚冥冥

憶至樂樓花竹二首

費宏

樓景專林壑春歸客未歸
幾多巢鷺長無數檻花飛
筍尚侵階出梅應得雨肥
祇須催釀秫到日賞芳菲
草閣依清樾牙籤插架齊
平生有閒癖未老得幽棲
題竹詩堪賦聽鶯酒可攜
從人爭鳳沼我止憶龍溪

袁州謁韓文公廟

李夢陽

袁州山在城韓廟倚山青
冕服前朝貌文章百代名
石苔猶馬路春竹自鶯聲
立望潮陽近翻翻海氣征

鬱孤臺

朔日送客返慨然登鬱孤悲歌爲閩廣指顧盡江湖南俗羌夷雜北流章貢俱兵船尚滿眼絡繹詣饒都

登芝山感事

吳楚分何代乾坤此郡孤江從樹裏斷山入雨中無戰鬥名空在英雄世與徂酒酣撫長劍極目盡重湖

徐墓書張相國碑銘

不讀南州傳誰知高士心江城遺像在春日古祠深竹鳥嚶嚶合松墻靡靡陰曲江千載碣書罷淚盈襟

市汊夜泊

此夜章江月無端照獨舟人生真梗泛歲暮且帆遊臘逼寒燈焰波吞霽雪流坐吟風鴈起漁笛滿前洲

南山院偶成

查應元

古刹何年業鞭橋跨碧漪穿雲通石徑畏露避松枝洞暗龍吟晚花香客醉遲摩娑看古刻猶有宋人詩

還贛

王守仁

積雨零都道山途喜乍晴溪流遲渡馬岡樹隱前旌野屋多移竈窮苗尚阻兵迎趨勒父老無補媿巡行

過分宜望鈴岡廟

共傳峰頂樹古廟有靈神楚俗多尊鬼巫言解惑人望裡存舊典捍禦及斯民世事渾如此題詩感慨新

送李獻吉歸里

熊卓

相送轉惆悵天寒聞暮鐘高鳥去不息浮雲安可窮河關經舊壘墟里對孤松結束平原騎翩翩弋暮鴻

送萬貢士里震還宜黃

周用

春風懷故國行李借輕船堂北人千里江東客四年鷺黃開
曉釀桂魄待秋圓漫爾相逢地投詩記別筵

芝山

驅馬登山去其如高興何竹書聊紀勝芝草已無多野樹吹
黃葉丹宮蔓碧蘿同遊吾令尹詩石有人磨

僊巖洞和韻

熊相

景入僊巖洞昏鴉壓樹低路從丹井畔僧坐水雲西草滿無
人跡林深有獸蹄孤峰登石笋物物可詩題

東湖

毛伯温

東湖春渺渺隱士此幽居迴艇愁驚鳥垂竿不釣魚興來時
覓酒得暇或觀書斜照臨波影小窗日對虛

折桂寺和崆峒督學

費宥

千里停雲思匡廬第一峰天香飄月桂林籟起山松塔古秋
巢鶴江深夜出龍歸期何日是緩步躡仙踪

南康公署

王慎中

城荒民俗簡理事日恒餘寂寂公門靜蒼蒼高樹疎庭陰深
晝晚山氣淡秋初跡有浮名累心空自宴如

開先寺龍池

千盤轉石林碧礧帶雲深空谷迷人足澄潭湛我心分流常
活活積氣自陰陰一濯清涼水都忘名利侵

遊梅巖洞有仙人井竈田爐丹室之類

松老白雲遮仙人亦有家雞飛殘舐鼎玉化遍成沙石上烟
霞古爐中日月賒暫來還出去蒙笑洞前花

滕王閣再作

偶爲逢迎出聊因一振衣
鳧鷖閑泛泛島嶼遠微微
芳草前人路寒潭落日暉
西山舊時雨還向捲簾飛

信州皇華亭

誰識悠悠意寒流對寂寥
閒禽遵水曲過棹入風謠
細雨青山映繁霜赤岸凋
門前來往路坐使歲時銷

南昌有湖水流城中會府屬
當其左每晨趨府行於湖
上執事倉卒無遊觀之致

不遠人家路湖中水且清
涵虛浮萬井倒影浸層城
垂柳堤邊映輕鷗波上明
可憐趨府去日日傍湖行

發東林寺登廬山絕頂還過寺中留止

年來知靜理在世比虛舟
偶此同生滅因之任去留
色空廬

阜起禪定虎溪流已矣東林社
長廊榭葉秋

德安道中書事

百室山中邑觀風見俗淳
土膏時雨發田事暮春新
烏雀鳴爭食雞豚性近人
前驅行且緩方此問農民

謁文信國祠

歐大任

憶昔南冠日厓山恨未忘
魂沉柴市月淚盡薊門霜
白鴈銜江草黃龍逐海航
中原冠劍在歌舞待巫陽

曉登宜春臺二首

嚴嵩

樓閣山寒裏肩輿衝曉來
仲冬羣木下初日萬峰開
平野何寥邈層城亦壯哉
予心慕奇勝欲別更登臺

山暝烟嵐合城高睥睨齊
攀躋興不極曠望意還迷
風壤荆吳際星文翼軫西
遺祠深木裏來客拜昌黎

泊弋陽江

客思增悽斷風湍渺宿留雲來津樹黑雨集浦帆收作宦逢
楊閨辭家感麥秋龜峰嵐霧裏心賞若爲酬

登葛仙山 二首

夏言

危磴入青冥凭高駐鶴亭四山暗風雨半壑響雷霆龍起西
潭霧山圍北斗星長生有真訣吾欲叩仙靈
昔聞勾漏令今謁左宮仙井憶燒丹處臺留化鶴年路盤九
龍上山轉七星懸誰識塵寰裏煙霞自有天

龜峰次李崆峒

過客幾來往名山自古今萬峰青不斷半壁晝常陰筆灑千
年墨詩留絕代吟媿無顏謝手吾亦與登臨

寄題鉛山詹氏前岡山居

鷺湖山色裏處士草堂開泉響千巖落松風萬壑迴武夷通
棹曲葛井近丹臺予意在煙嶺何年訪爾來

宿白鹿洞

吳國倫

斜日照巖扉攜壺坐釣磯水銜千石漱雲挾衆山飛豈復悲
漂泊翻能識是非斐然二三子從汝詠而歸

江上聞明卿量移南康

宗臣

復得南康信匡廬遂爾狂詩仍官長罵名或簿書強暮雨湘
潭近秋風楚塞長江流如可返爲我到潯陽

遊龜峰次李崆峒韻

夏尚朴

羣玉圍孤寺高登幸及今雪消丹壑淨雲度紫崖陰坐石共
兒酌尋詩忽自吟古人如可作把轡願同臨

題上饒縣學瑞芝卷

西江志 卷一百三十
靈山鍾秀氣傑棟產靈芝舜日祥雲爛岐陽彩鳳儀文章應
作瑞草木亦先知科第尋常事男兒遠大期

遊龍虎山遇裝仙用登九華觀韻

洞府春常在仙都路不遙六龍飛白日雙舄下青霄瑞氣騰
雲閣靈芝長玉橋茲遊真不偶宿契似相邀

秋夜華戶部邀飲琵琶亭

萬虞愷

月滿新秋夜潯陽引興賒故人陳祖帳約我聽琵琶江闊吞
三楚山高接九華君才能作賦赤壁底須誇

遊東樵書院

周業孔

車馬全非郭烟雲半是村雙池平抱戶一徑曲通園柳樹搖
書幌梨花落酒樽七年經史意重得細評論

西江志卷第一百三十一

新

